

漢魏六朝百三家集

論魏德論

魏德論

元氣否塞，玄黃噴薄，辰星亂逆，陰陽舛錯，四海
鼎沸，蕭條沙漠，武皇之興也。以道陵殘，義氣風
發，神戈退指，則妖氛順制，靈旗一舉，則朝陽播
越。惟我聖后，神武蓋天，威光佐掃，辰彗北蠻，首
尾爭擊，氣齊率然，乃電北席卷千里，隱乎若崩
嶽，盱乎若潰海，愠彼蠻夏，蠢爾弗恭，脂我蕭斧，
簡武練鋒，星陳而天運振，耀乎南封，荆人風靡。

交益影從，軍蘊餘勢，襲利乘權，蕩鬼區於白水。
摛矯制乎遐川，仰屬目於條支，晞弱水之潺湲，
薄張騫於大夏，笑驃騎於祁連，其化之也如神。
其養之也如春，柔遠能邇，誰敢不賓，憲度增飾，
日曜月光，跡存乎建安，道隆乎延康，於是漢氏
歸義，顧音孔昭，顯禪天位，希唐效堯，上猶謙謙，
弗納也，發不世之明詔，薄皇居而弗泰，蹈北人
之清節，美石戶之高介，義貫金石，神明已興，神
祇致祥，乾靈効祐，於是羣公卿士，功臣列辟，率

爾而進曰昔文王三分居二以服事殷非能之
而弗欲蓋欲之而弗能况天網弗禁皇綱圯紐
侯民非復漢萌尺土非復漢有故武皇創迹於
前陛下光美於後蓋所謂勲成於彼位定於此
者也將使斯民播秬鬯植靈芝鋤岐穗挹醴滋
遂乃凱風回焱甘露匝時農夫詠於田隴織婦
欣而綜絲黃吻之齒含哺而怡鮐背之老擊壤
而嬉古雖稱乎赫胥曷若斯之大治乎於時上
富於春秋聖德汪穢竒志妙思神鑒靈察方將

審御陰陽，爭耀日月，極禎祥於遐奧，飛仁風以
樹惠，旣遊精於萬機，揆幽洞，深復逍遙乎六藝，
兼覽儒林，抗思乎文藻之場，囿容與乎道術之
疆畔，超天路而高峙，階清雲以妙觀，將參跡於
三皇，豈徒論功於大漢，天地位矣，九域清矣，臯
化四達，帝猷成矣，明哉元首，股肱貞矣，禮樂旣
作，興頌聲矣，固封泰山，禪梁甫，歷名山以祈福，
周五方之靈宇，越八九於往素，踵帝王之靈矩，
流餘祚於黎烝，鍾元吉乎聖主。

漢二祖優劣論

有客問予曰。夫漢二帝高祖光武。俱爲授命撥亂之君。比時事之難易。論其人之優劣。孰者爲先。予應之曰。昔漢之初興。高祖因暴秦而起。遂誅強楚。光有天下。功齊湯武。業流後嗣。誠帝王之元勳。人君之盛事也。然而名不繼德。行不純道。身役之後。崩亡之際。果令凶婦肆醜酷之心。嬖妾被人豕之刑。亡趙幽囚。禍殃骨肉。諸呂專權。社稷幾移。凡此諸事。豈非高祖寡計淺慮。以

致然彼之雄材大畧倣儻之節。信當世至豪健
壯傑士也。又其臬將畫臣。皆古今之鮮有。歷世
之希覩。彼能任其才而用之。聽其言而察之。故
兼天下。有帝位。流巨勲而遺元功也。世祖體乾
靈之休德。稟貞和之純精。通黃中之妙理。韜亞
聖之懿才。其爲德也通達而多識。仁智而明恕。
重慎而周密。樂施而愛人。值陽九無妄之世。遭
炎光厄會之運。殷爾雷發。赫然神舉。用武畧以
攘暴。興義兵以掃殘。神光前驅。威風先逝。軍未

出於南京，莽已斃於西都。夫其蕩滌凶穢，勦除醜類，若順迅風而縱烈火，曬白日而掃朝雲也。爾乃廟勝而後動衆，計定而後行師，故攻無不陷之壘，戰無犇北之卒。是以羣下欣欣歸心，聖德宣仁以和衆，邁德以來遠。故竇融聞聲而影附，馬援一見而歎息。股肱有濟濟之美，元首有穆穆之容。敦睦九族，有唐虞之稱；高尚純樸，有羲皇之素。謙虛納下，有吐握之勞；畱心庶事，有日昃之勤。乃規弘跡而造皇極，創帝道而立德。

基是以計功則業殊比隆則事異旌德則靡愆
言行則無穢量力則勢微論輔則力劣卒能握
乾坤之休徵應五百之顯期立不刊之遐迹建
不朽之元功金石播其休烈詩書載其勲懿故
曰光武其優也。

○成王漢昭論

周公以天下初定。武王旣終。而成王尚幼。未能
定南面之事。是以推以忠誠。稱制假號。二弟流
言。召公疑之。發金縢之匱。然後用寤。亦未決也。

生於昭帝，所以不疑於霍光，亦緣武帝有遺詔，
於光使光若周公踐天子之位，行周公之事，吾
恐叛者，非徒二弟疑者，非徒召公也。且賢者固
不能知聖賢，自其宜耳。昭帝固可不疑霍光，周
王自疑周公也。若以昭帝勝成王，霍光當踰周
公，邪？若以堯舜爲成王，湯禹作管蔡，邵公、周公
之不見疑，必也。昔吳王夫差，面長三尺，身長六尺，
然相論，亦存四尺，皆此限。蓋凡一事，必以類
世固有人身瘠而志立體，小而名高者，於聖則

否是以堯眉八彩、舜目重瞳、禹耳參漏、文王四乳、然則世亦有四乳者、此則駑馬一毛似驥耳、宋臣有公孫呂者、長七尺、面長三尺、廣三寸、若此之牀、蓋遠代、而求非一、是之異也、使形殊於外道、合其中名、震天下、不亦宜乎、語云、無憂而戚、憂必及之、無慶而歡樂、必隨之、此心有先動而神有先知、則色有先見也、故扁鵲見桓公、知其將亡、申叔見巫臣、知其竊妻而逃也、

世有方士。吾王悉所招致。其陵有其始。廬江有左慈。陽城有郤儉。始能行氣導引。慈曉房中之術。儉善辟穀。悉號三百歲卒。所以集之於魏國者。誠恐斯人之徒。接姦宄以欺衆。行妖慝以惑民。豈復欲觀神仙於瀛洲。求安期於海島。釋金輅而履雲輿。棄六驥而美飛龍哉。自家王與太子及余兄弟。咸以爲調笑。不信之矣。然始等知上遇之有恒。奉不過於負吏。賞不加於無功。海島難得而遊。六骹難得而佩。終不敢進虛誕之

言出非常之語。余嘗試卻儉絕穀百日，躬與之寢處，行步起居自若也。夫人不食七日則死，而儉乃如是，然不必益壽，可以療疾，而不憚饑饉焉。左慈善修房內之術，差可終命，然自非有志至精，莫能行也。其始者老而有少容，自諸術士咸共歸之，然始辭繁寡實，頗有怪言。余常辟左右，獨與之談，問其所行，溫顏以誘之，笑辭以導之。始語余，吾本師姓韓，字世雄，嘗與師於南海，作金前後數四，投數萬斤金於海。又言諸梁時

西城胡來獻香罽腰帶。割玉刀。時悔不取也。又言車師之西國兒生。擘背出脾。欲其食少而勞行也。又言取鯉魚五寸一雙。合其一煮藥。俱投沸膏中。有藥者奮尾鼓鰓。游行沉浮。有若處淵。其一者已熟而可噉。余時問言。率可試。不言是藥去。此逾萬里。當出塞。始不自行。不能得也。言不盡於此。頗難悉載。故粗舉其巨怪者。始若遭秦始皇。漢武帝。則復爲徐市。欒大之徒也。夫帝者位殊萬國。富有天下。威尊彰明。齊光日月。宮

殿闕庭等曜紫微。何顧乎王母之宮。崑崙之域
哉。夫三鳥備役。不如百官之美也。素女姮娥不
若椒房之麗也。雲衣羽裳。不若黼黻之飾也。駕
鸞載霓。不若乘輿之盛也。瓊蘂玉華。不若玉圭
之潔也。而顧爲匹夫所固。納虛妄之辭。信眩惑
之說。隆禮以招弗臣。傾產以供虛求。散王爵以
榮之。清閒館以居之。經年累稔。終無一驗。雖復
誅其身。滅其族。紛然足爲天下笑矣。若夫玄黃
所以娛目。鏗鏘所以樂耳。媛妃所以紹先。芻豢

所以說口也，何必其無味之味，聽無聲之樂，觀無采之色乎？

○又辯道論

此篇出廣弘明集，只數語與魏志及舊集畧同，餘文俱不載，今

另存

夫神仙之書，道家之言，乃云傳說上為辰尾宿，歲星降為東方朔，淮南王安誅於淮南，而謂之獲道，輕舉鈎戈，歿於雲陽，而謂之屍逝，柩空，其為虛妄甚矣哉！中興篤論之士，有桓君山者，其所著述多善。劉子駿嘗問人言誠能抑嗜欲，闔

耳目可不衰竭乎。時庭中有一老榆，君山指而謂曰：此樹無情，欲可忍無耳目可闔，然猶枯槁腐朽，而子駿乃言可不衰竭，非談也。君山援榆喻之，未是也。何者？余前爲王莽典樂大夫，樂記云：文帝得魏文侯樂人竇公，年百八十，兩目盲，帝竒而問之，何所施行？對曰：臣年十三而失明，父母哀其不及事，教臣鼓琴，臣又能導引，不知壽得何力。君山論之曰：頗得少盲，專一內視，情不外鑒之助也。先難子駿以內視無益，退論竇

公便以不鑿證之。吾未見其定論也。君山又曰：方山有董仲君者，繫獄佯死數日，日陷蟲出，死而復生，然後竟死。生之必死，君子所達。夫何喻乎？夫至神不過天地，不能使蟄蟲夏潛，震雷冬發。時變則物動，氣移而事應。彼仲君者，乃能藏其氣，殞其體，爛其膚，出其蟲，無乃大怪乎？世有方士，吾王悉所招致。甘陵有甘始，廬江有左慈。陽城有邽儉，始能行氣導引。慈曉房中之術，儉善辟穀，悉號三百歲。本所以集之於魏國者，誠

恐斯人之徒。接姦詭以欺衆。行妖慝以惑人。故聚而禁之。其始者老而有少容。自餘術士咸其歸之。然始詞繁寡寔。頗竊有怪言。若遭秦始皇。漢武帝。則復徐福。樂大之徒矣。桀紂殊世而齊。惡姦人異代而等偽。乃如此邪。又世虛然有仙人之說。仙人者儻徠。援之屬。與世人得道。化爲仙人乎。夫雉入海爲蜃。燕入海爲蛤。當夫徘徊其翼。差池其羽。猶自識也。忽然自投。神化體變。乃更與黿鼉爲羣。豈復自識翔林薄。巢垣屋之。

娛乎。而顛爲匹夫所調。納虛妄之詞。信眩惑之說。隆禮以招弗臣。傾產以供虛求。散王爵以榮之。清閑館以居之。經年累稔。終無一效。或歿於沙丘。或崩乎五柞。臨時雖誅其身。滅其族。紛然足爲天下笑矣。然壽命長短。骨體強劣。各有入焉。善養者終之。勞擾者半之。虛用者死之。其斯之謂歟。

奇健超忽十倍前文

○令禽惡鳥論

國人有以伯勞生獻者，王召見之。侍臣曰：世人同惡伯勞之鳴，敢問何謂也？王曰：昔尹吉甫用後妻之說，殺孝子伯奇。吉甫後悟，追傷伯奇，出遊於田，見鳥鳴於桑，見其聲噉然。吉甫動心曰：伯勞乎？乃撫翼其音尤切。吉甫乃顧謂曰：伯勞乎？是吾子，棲吾輿，非吾子，飛勿居。鳥尋聲而棲於蓋，吉甫遂射殺後妻以謝之。故俗惡伯勞之鳴，言所鳴之家必有尸也。此好事者附名爲之說，而今普傳惡之，斯實否也。伯勞以五月而鳴。

應陰氣之動。陰爲賊害。蓋賊害之鳥也。其聲鴟
鴟然。故俗憎之。若其爲人災害。愚民之所信。通
人之所畧也。鳥鳴之惡。自取憎。人言之惡。自取
滅。不有能累於當世也。而凶人之行。弗可易。梟
鳥之鳴。不可更者。天性然也。昔荆人之梟將巢
於吳。鳩遇之曰。何去荆而巢吳乎。梟曰。荆人惡
予之聲。鳩曰。予不能革子之音。則吳楚之民不
異情也。爲子計者。莫若宛頸戢翼。終身勿復鳴
也。昔會朝議者。有人問曰。甯有聞梟食其母乎。

有答之者曰嘗聞烏反哺未聞梟食母也問者
慙唱不善也得螻者莫不訓而放之爲利人也
得蚤者莫不糜之齒牙爲害身也鳥獸昆蟲猶
以名聲見異况夫吉士之與凶人乎

仁孝論

且禽獸悉知愛其母知其孝也唯白虎通騏驎
稱仁獸者以其明盛衰知治亂也孝者施近仁
者及遠

輔臣論

蓋精微聽察。理析毫分。規矩可則。阿保不傾。群
言系于口。而研撫是非。典謨總乎心。而唯所用
之者。鍾太傅也。

清素寡欲。明敏特達。志存太虛。安心玄妙。處平
則以和養德。遭變則以斷蹈義。華太尉歆之謂
也。

文武並亮。權智時發。奢不過制。儉不損禮。入毗
皇家。帝之股肱。出則侯伯。實撫東夏者。曹大司
馬也。

辨博通幽。見傳異慶。德實充塞于內。知謀縱橫于外。解疑釋滯。剖散盤錯。王司徒也。

至德純粹。進吐善謀者。陳司空也。

智慮深奧。淵然難測。執節平敵。中表條暢。恭以奉上。愛以接下。納言左右。爲帝喉舌。曹大將軍也。

魁傑雄特。秉心平直。威嚴足憚。風行草靡。我昭果毅。折衝厭難者。司馬驃騎也。

益辭征蜀論

聖林亭公

賦

西原同對

今將以謀謨爲劔戟以策畧爲旌旗

又云下畧成雷榛殘

碎木

魏德論畧

孟春之旦。從太陽方貴。放鳥雀者。加其祿也。得者莫不馴而放之。爲利人也。得蚤者莫不靡之。齒牙爲害身也。

夫天不賜而效之為師

而春之且壽太胡女世

膠州論

木

今繼以精薊為險婢以兼畧為致致

丸雷赫致
火云平

說

○籍田說

昔者神農氏始嘗萬草，教民種植。今寡人之興此田，將欲以擬乎治國，非徒娛耳目而已也。夫營疇萬畝，厥田上下，經以太陌帶以橫阡，此亦寡人之封疆也。日殄沒而歸館，晨未昕而卽野，此亦寡人之先下也。菽藿特疇，禾黍異田，此亦寡人之政理也。及其息沸涌，庇重陰，懷有虞撫素琴，此寡人之所習樂也。蘭蕙荃蘅，植之近疇。

此亦寡人之所親賢也。藜蓬臭蔚棄之乎遠疆，
此亦寡人之所遠佞也。若年豐歲登，果茂菜滋，
則臣僕小人咸取驗焉。

又

封人有能以輕鑿修鉤，去樹之蝟者，樹得以繁
茂。中舍人曰：不識治天下者，亦有蝟乎？寡人告
之曰：昔三苗共工，鯀驩兜，非堯之蝟與？問曰：諸
侯之國，亦有蝟乎？寡人告之曰：齊之諸田，晉之
六卿，魯之三桓，非諸侯之蝟與？然三國無輕鑿

修鉤之任，終於齊篡魯弱，晉國以分，不亦痛乎？
曰：不識爲君子者，亦有蝸乎？寡人告之曰：固有
之也。富而慢，貴而驕，殘仁賊義，其財悅色，亦君
子之蝸乎？天子勤耘以收一國，大夫勤耘以收
世祿，君子勤耘以顯令德。夫農者始於種，終於
穫，澤旣時矣，苗旣美矣，棄而不耘，則故爲荒疇。
蓋豐年者期於必收，譬修道亦期於沒身也。

髑髏說

曹子遊乎陂塘之濱，步乎秦穢之藪，蕭條潛虛，

經幽踐阻，顧見髑髏，塊然獨居，於是伏軾而問之曰：子將結纓首劔，殉國君乎？將被堅執銳，斃三軍乎？將嬰茲固疾，命隕傾乎？將壽終數極，歸幽冥乎？叩遺骸而歎息，哀曰：骨之無靈，慕嚴周之適楚，儻託夢以通情，於是佯若有來，恍若有存，影見容隱，厲聲而言曰：子何國之君子乎？旣枉輿駕，愍其枯朽，不惜咳唾之音，慰以若言，子則辯於辭矣，然未達幽冥之情，死生之說也，夫死之爲言歸也，歸也者歸於道也，道也者身以

無形爲主，故能與化推移。陰陽不能更，四時不能虧，是故洞於纖微之域，通於恍惚之庭。望之不見其象，聽之不聞其聲。挹之不充，注之不盈，吹之不凋，噓之不榮，激之不流，凝之不停，寥落冥漠，與道相拘，偃然長寢，樂莫是踰。曹子曰：子將請之上帝，求諸神靈，使司命輟籍，反子骸形，於是髑髏長呻，廓然歎曰：甚矣何子之難語也！太素氏不仁，勞我以形，苦我以生，今也幸變而之，死是反吾真也。何子之好勞，而我之好逸，子

則行矣。予將歸於太虛，於是言卒響絕，神光霧除。顧將旋軫，乃命僕夫拂以玄塵，覆以縞巾，爰將藏彼路濱，覆以舟土，翳以綠榛。夫存亡之異世，乃宣尼之所陳，何神憑之虛對。云灰生之必均。

盡說

觀盡者見三皇五帝，莫不仰戴；見三季暴主，莫不悲宛；見篡臣賊嗣，莫不切齒；見高節妙士，莫不忘食；見忠節死難，莫不抗首；見忠臣孝子，莫

不歎息。見淫夫。如婦莫不側目。見令妃順后。莫不嘉貴。是知存乎鑒者何如也。

說疫氣

建安二十二年。癘氣流行。家家有僵尸之痛。室室有號泣之哀。或闔門而殫。或覆族而喪。或以爲疫者。鬼神口作。夫罹此者。悉被褐茹藿之子。荆室蓬戶之人耳。若夫殿處鼎食之家。重貂累蓐之門。若是者。鮮焉。此乃陰陽失位。寒暑錯時。是故生疫而愚民懸符厭之。亦可笑也。

班謳

魏德論謳

玄德洞幽，飛化上承。甘露以降，密涓水凝。觀陽
弗晞，瓊爵是承。獻之帝朝，以明賈徵。

皇樹嘉德，風靡雲披。有木連理，別幹同枝。將承
大同，應天之規。輿草萌華，變小喜雉。

公賦聖穀

康恩王集

卷之一

七

於穆聖皇仁暢惠渥辭獻減膳以服鰥獨和氣
致祥時雨洒沃野草萌芽變化喜穀

禾

猗猗喜禾惟穀之精其洪盈箱協穗殊莖昔生
周朝今植魏庭獻之朝堂以昭祖靈

鵲

鵲之疆疆詩人取喻今存聖世呈質見素饑食
茗華渴飲清露異於儔匹衆鳥是驚

鵲
鳩

班班者鳩。爰素其質。昔翔殷邦。今爲魏出。朱口
丹趾。靈姿詭類。載飛載鳴。彰我皇懿。



班班香馥。爰素其質。昔隳頹。今為駿出。未也。

碑

制命宗聖侯孔羨奉家祀碑

維黃初元年大魏受命膺軒轅之高蹤紹虞氏
之遐統應歷數以改物揚仁風以作教於是輯
五瑞班宗彝鈞衡石同度量秩羣祀於無文順
天時以布化旣乃緝熙聖緒紹顯上世追存三
代之禮兼紹宣尼之後以曾縣百戶命孔子二
十一世孫議郎孔羨爲宗聖侯以奉孔子之祀
制詔三公曰昔仲尼負大聖之才懷帝王之器

當衰周之末而無受命之運，在魯衛之朝，教化
洙泗之上，栖栖焉，皇皇焉，欲屈已以存道，貶身
以救世，於是王公終莫能用之，乃退考五代之
禮，修素王之事，因曾史而制春秋，就大師而正
雅頌，俾千載之後，莫不宗其文，以述作，仰其聖
以謀咨，可謂命世大聖，億載之師表者也。遭天
下大亂，百祀墮壞，舊居之廟，毀而不修，衰成之
後，絕而莫繼，闕里不聞講誦之聲，四時不睹蒸
嘗之位，斯豈所謂崇禮報功，盛德必百世祀者

哉嗟乎朕甚憫焉其以議郎孔羨爲宗聖侯邑
百戶奉孔子之祀令曾郡修起舊廟置百戶卒
吏以守衛之又於其外廣爲屋宇以居學者於
是曾之父老諸生遊士睹廟堂之始復觀俎豆
之初設嘉聖靈於髣髴想禋祥之來集乃慨然
而歎曰大道衰廢禮樂絕滅三十餘年皇上懷
仁聖之懿德兼二儀之化育廣大包於無方淵
深淪於不測故自受命以來天人咸和神氣氤
氳嘉瑞踵武休徵屢臻殊俗解編髮而慕義遐

夷越險阻而來賓，雖太皞遊龍以君世，虞氏儀鳳以臨民，伯禹命玄宮而爲夏后，西伯由岐社而爲周文，尚何足稱於大魏哉！若乃紹繼微絕，興修廢官，疇咨稽古，崇配乾坤，况神明之所福，作宇宙之所觀，欣欣之色，豈徒魯邦而已哉！爾乃感殷人路寢之義，嘉先民泮宮之事，以爲高宗僖公，蓋嗣世之王，諸侯之國耳。猶著德於三頌，騰聲於千載，况今聖皇肇造區夏，創業垂統，受命之日，曾未下輿，而褒美大聖，隆化如此，能

無頌乎，乃作頌曰：

煌煌大魏，受命溥將。繼體黃唐，包夏含商。降釐
下土，廓清三光。羣祀咸秩，靡事不綱。嘉彼玄聖，
有赫其靈。遭世霧亂，莫顯其榮。袞成旣絕，寢廟
斯傾。闕里蕭條，靡韶靡馨。我皇悼之，尋其世武。
乃建宗聖，以紹厥後。修復舊堂，豐其薨宇。莘莘
學徒，爰居爰處。王教旣新，羣小遄沮。管道以興，
永作憲矩。洪聲豈遐，神祇來和。休徵雜逐，瑞我
邠家。內光區域，外被荒遐。殊方慕義，搏拊揚歌。

於赫四聖，運世應期。仲尼既沒，文亦在茲。彬彬
我后，越而五之。垂於億載，如山之基。

頌

皇子生頌

於我聖后，憲章前志，克纂二皇，三靈昭事，祇肅
郊廟，明德敬惠，陽和積吉，鍾天之釐，嘉月令辰，
篤生聖嗣，慶由一人，萬國作喜，喁喁萬國，岌岌
羣生，稟命我后，綏之則榮，長爲臣妾，終天之經，
仁聖奕代，永載明明，同年上帝，休祥淑禎，藩臣
作頌，光流德聲，吁嗟卿士，祇承子聽。

承露盤頌

有序作
一銘

皇帝鑄承露盤，莖長十二丈，大十圍，上盤徑四尺，下盤徑五尺，銅龍遶其根，龍身長一丈，背負兩子，自立於芳林園，甘露乃降，使臣爲頌，頌曰：岩岩承露，峻極太清，神若礪硯，洪基嶽停，下潛醴泉，上受雲英，和氣四充，翔風所經，匪我明后，孰能經營，近歷纏度，三光朗明，殊俗歸義，祥瑞混并，鸞鳳晨棲，甘露宵零，神物攸協，高而不傾，奉天戴巍，恭統神器，固若露盤，長存永貴，賢聖繼跡，奕世明德，不忝先功，保茲皇極，垂作億兆。

永荷天秩

孔廟頌

有序

自五帝典絕，三皇禮廢，應期命世，齊賢等聖者，莫高於孔子也。故有若曰：出乎數，拔乎萃，誠所謂性與天道，不可得而聞矣。

由也務學，名在前志，宰予晝寢，糞土作誠，過庭子弟，詩禮明記，歌以詠言，文以騁志，予今不述，后賢曷識，於鑠尼父，生民之傑，性與天成，該聖備藝，德倫三五，配皇作烈，玄鏡獨鑑，神明昭晰。

仁塞宇宙，志凌雲霓。學者三千，莫不俊乂。唯仁足憑，唯道足恃。鑽仰彌高，請益不已。

舊集摘宗聖侯碑頌

中數語作孔子頌，更名此篇為學宮頌，今正之。

社頌 有序

余前封郵城侯，轉雍丘，皆欲為上宅，宇初造，以府庫尚豐，志在善公，夫務完圃而已。農桑一無所營，經離十載，瑰然守空，饑寒備嘗。聖朝愍之，故封此縣田，則一州之膏腴，桑則天下之甲第，故封此桑，以為田社，乃作頌云。

於惟太社官名后土是曰勾龍功著上古德配
帝王實爲靈主克明播植農正日舉尊以作稷
豐年是與義與社同方神北宇建國承家莫不
攸叙

湯妃頌

殷湯令妃有莘之女仁教內修度儀以處清謚
后宮九嬪有序伊爲勝臣遂作元輔

姜后頌

於鑠姜后光配周宣非禮不動非禮不言晏起

失朝末巷告愆，王用勤政，萬國以虔。

玄俗頌

玄俗妙識，饑餌神穎，在陰倏逝，卽陽無景，逍遙
北嶽，凌霄引領，揮霧昊天，含神自靜。

冬至獻襪頌

玉趾旣御，履和蹈貞，行與祿邁，動以祥并，南闕
北戶，西巡王城，翱翔萬域，聖體浮輕。

宜男花頌

草號宜男，旣擘且貞，其貞伊何，惟乾之嘉，其擘

伊何綠葉丹花，光采晃曜，配彼朝日。君子耽樂，
好和琴瑟，固作螽斯。惟立孔臧，福濟太妙。永世
克昌。

我明琴瑟固非益淇計立不無韻齊太似永世
明同絲葉丹林水采具鄂昭於障日哉子知樂

贊

畫贊

蓋畫者鳥書之流。昔明德馬后美於色。厚於德。帝用嘉之。嘗從觀畫。過虞舜廟。見娥皇女英。帝指之。戲后曰。恨不得如此爲妃。又前見陶唐之像。后指堯曰。嗟乎。群臣百寮。恨不得爲君如是。帝顧而笑。故夫畫所見多矣。

庖犧贊

木德風姓。八卦創焉。龍瑞名官。法地象天。庖厨

祭祀網罟魚畋，瑟以像時，神德通玄。

女媧贊

古之國君，造篁作笙，人物未就，軒轅纂成。或云二皇，人首蛇形，神化七十，何德之靈。

神農贊

少典之胤，火德成木，造爲耒耜，遵民播穀，正爲雅琴，以暢風俗。

黃帝贊

少典之孫，神明聖哲，土德承火，赤帝是滅，服牛

乘馬衣裳是制氏雲名官功冠五帝

黃帝三鼎贊

鼎質之精古之神器黃帝是鑄以像太乙能輕能重知凶識吉世衰則隱世和則出

少昊贊

祖自軒轅青陽之裔金德承土儀鳳帝世官鳥號名殊職別系農正扈氏各有品制

顓頊贊

昌意之子祖自軒轅始誅九黎水德統天以國

爲號，風化神宣，威暢八極，靡不祗虔。

帝嚳贊

祖自軒轅，玄囂之裔，生言其名，木德帝世，撫甯
天地，神聖靈察，教弭四海，明並日月。

帝堯贊

火德統位，父則高辛，克乎其工，萬國同塵，調適
陰陽，其惠如春，巍巍成功，配天則神。

帝舜贊

顓頊之族，重瞳神聖，克協頑嚚，應唐涖政，除凶

舉俊以齊七政，應歷受禪，顯天之命。

夏禹贊

吁嗟天子，拯世濟民，克卑宮室，致孝鬼神，蔬食
薄服，黻冕乃新，厥德不回，其誠可親，亶亶其德，
溫溫其仁，尼稱無間，何德之純。

禹治水贊

嗟夫夏禹，實勞水功，西鑿龍門，疏河道，江梁岐
既闢，九州以同，天錫玄圭，奄有萬邦。

禹渡河贊

禹濟於河，黃龍負船舟人並懼，禹歎仰天，予授
大運，勤功恤民，死亡命也，龍乃弭身。

殷湯贊

殷湯伐夏，諸侯振仰，放桀鳴條，南面以王，桑林
之禱，災災克償，伊尹佐治，可謂賢相。

湯禱桑林贊

惟殷之世，炎旱七年，湯禱桑林，祈福於天，翦髮
離爪，自以爲牲，皇靈感應，時雨以零。

周文王贊

於赫聖德寔惟文王三分有二猶服事商化加
虞芮傍開四方王業克昭武嗣遂光

周文王赤雀贊

西伯積德天命攸顧赤雀銜書爰集昌戶瑞爲
天使和氣所致嗟爾後王昌期而至

周武王贊

桓桓武王繼世滅殷咸任尚父且作商臣功冒
四海救世濟民天下宗周萬國是賓

周公贊

成王卽位年尚幼稚，周公居攝，四海慕利，罰叛
柔服，祥應仍至，誦長反政，達天忠義。

周成王贊

成王繼武，聖賢保傳，年雖幼稚，岐嶷有素，初疑
周公，終焉克寤，且奭佐治，遂致刑錯。

漢高帝贊

屯雲斬蛇，靈母告祥，朱旗旣抗，九野披攘，禽嬰
克羽，掃滅英雄，承機帝世，功著武湯。

漢文帝贊

季文卽位，愛物儉身，驕吳撫越，匈奴和親，納諫
赦罪，以德讓民，殆至刑錯，萬國化清。

漢景帝贊

景帝明德，繼文之則，肅清王室，克滅七國，省役
薄賦，百姓殷昌，風移俗易，齊美成康。

漢武帝贊

世宗光允，文武是擡，威振百蠻，恢拓土疆，簡定
律曆，辯修舊章，封天禪土，功越百王。

姜嫄簡狄贊

譽有四妃，子皆爲王，帝摯且崩，堯承天綱，玄鳥
大跡，殷周美祥，稷契旣生，翊化虞唐。

禹妻贊

禹娶塗山，土功是急，聞啓之生，過門不入，女嬌
達義明勲，是執成長，聖嗣天祿，以襲。

班婕妤贊

有德有言，實惟班婕妤，盈冲其驕，窮其厭悅，在夷
貞艱在晉，正接臨颶，端幹衝霜，振葉。

吹雲贊

天地變化，是生神物，吹雲吐潤，浮氣蓊鬱。

巢父贊

堯禪許由，巢父是耻，穢其溷聽，臨河洗耳，池王是讓，以水爲濁，嗟此三士，清足厲俗。

務光贊

湯將伐桀，謀於卞子，旣聞讓位，隨以爲耻，薄於殷世，著自汙已，自投潁水，清風邈矣。

商山四皓贊

嗟爾四皓，避秦隱形，劉項之爭，養志弗營，不應

朝聘保節全貞應命太子漢嗣以甯

長樂觀畫贊

妙哉平生才巧若神辭賦之作華若望春

古冶子等贊

齊姜接子勇節狗名虎門之博忽晏置釁矜而

日伐輕死重分

欽輶持由巢父其垣然其德與謂何哉尹也

負其巢父贊 枝隨其端幹衝霜振葉

天世變分長主輒於如雲也聞於康蔭

銘

寶刀銘

造茲寶刀，既礪既礪，匪以尚武，予身是衛。麟角
是觸，鸞距匪蹶。

承露盤銘

并序

明帝鑄承露盤，莖長十二丈，本圍上盤逕四尺，
下盤逕五尺，銅龍達其根，龍身長一丈，背負兩
子，自立於上林園，甘露乃降，使臣爲頌，銘曰：
岌岌承露，峻極太清，神君礪礪，洪基嶽停，下潛

醴泉上受雲英和氣，四充翔風所經，匪我明君
孰能經營，近歷纏度，三光朗明，殊俗歸義，祥瑞
混并，鸞鳳晨棲甘露，宵零神物，攸協高而不傾，
奉天戴魏，恭統神器，因若露盤，長存永貴，賢聖
繼跡，奕世明德，不忝先功，保茲皇極，垂作億兆
永荷天秩。

寶不驗

文
論
豐
只
無
餘
論

贊
敘
誥
咎
文
有序
論
詞
表
草
對
對
壘
禾
重
蘇
坐
於
派

五行致災、先史咸以為應政而作、天地之氣、自有變動、未必政治之所興致也、於時大風發屋拔木、意有感焉、聊假天帝之命、以誥咎祈福、辭

曰
宜
論
詞
輒
宜
論
詞
表
草
對
對
壘
禾
重
蘇
坐
於
派

上帝有命、風伯雨師、夫風以動氣、雨以潤時、陰陽協和、氣物以滋、亢陽害苗、暴風傷條、伊周是遇、在湯斯遭、桑林既禱、慶雲克舉、偃禾之復、姬

康
思
王
集
卷
之
一
五

公去楚，况我皇德，承天統民，禮敬川嶽，祈肅百
神，享茲元吉，釐福日新。至若炎旱，赫羲颺風，扇
發嘉卉，以委良木，以拔何谷，宜填何山，應伐何
靈，宜論何神，宜謁於是。五靈振悚，皇祇赫怒，招
搖驚怯，攙搶奮斧。河伯典澤，屏翳司風，迴呵飛
廉，顧叱豐隆，息颺遏暴。元勅華嵩，慶雲是興，效
厥豐年，遂乃沈陰，塊北井澤，微微雨我公田。爰
暨於私，黍稷盈疇，芳草依依，靈禾重穗，生彼邦
畿，年登歲豐，民無餒饑。

釋愁文

予以愁慘，行吟路邊，形容枯悴，憂心如醉，有玄靈先生見而問之曰：子將何疾，以至於斯？答曰：吾所病者愁也。先生曰：愁是何物而能病子乎？答曰：愁之爲物，惟恍惟惚，不召自來，推之弗往，尋之不知其際，握之不盈一掌。寂寂長夜，或羣或黨，去來無方，亂我情爽，其來也難退，其去也易追。臨餐困於哽咽，煩寃毒於酸嘶，加之粉飾不澤，飲之以兼肴不肥，溫之以金石不消，摩

之以神膏不希授之以巧笑不悅樂之以絲竹
增悲醫和絕思而無措先生豈能爲我著龜乎
先生作色而言曰子徒辯子之愁形未知子愁
所由而生我獨爲子言其發矣方今大道旣隱
子生末季沉溺流俗眩惑名位濯纓彈冠諮趣
榮貴坐不安席食不終味遑遑汲汲或樵或悴
所鬻者名所拘者利良由華薄凋損正氣吾將
贈子以無爲之藥給子以淡薄之湯刺子以玄
虛之針灸子以涓朴之方安子以恢廓之宇坐

子以寂寞之床、使王喬與子遨遊而逝、黃公與
子詠歌而行、莊子與子具養神之撰、老聃與子
致愛性之方、趣避路以棲跡、乘輕雲以翱翔、於
是精駭魂散、改心回趣、願納至言、仰崇玄旨、衆
愁忽然不辭而去、

之以神骨不香其之以斯其不悅樂之以終

明志醫和絕思而無精先生豈能而此

定其性也而此則于其神于之

明由而生我獨為于言其於矣方今大道

悠悠然不賴而去俗眩惑名位

其赫煥野耕如心回歐歐

烟愛此之文歐歐茲以勢

于精煥而并其于與于具

此及於莫之末對王喬與于

誄

武帝誄

於惟我王乘運之衰神武震發羣雄戡夷拯民
於下登帝太微德美旦奭功越彭韋九德光備
萬國作師寢疾不興聖體長遠華夏飲淚黎庶
含悲神翳功顯身沈名飛敢揚聖德表之素旗
乃作誄曰
於穆我王胄稷胤周賢聖是紹元懿允休先侯
佐漢實維平陽功成績著德昭二皇民以甯一

興詠有章，我王承統。文姿特生，年在志學。謀過
老成，奮臂舊邦。翻身上京，表與我王。兵交若神，
張陳背誓，傲帝虐民。擁徒百萬，虎視朔濱。我王
赫怒，戎車列陳。武卒虓闕，如雷如震。攬槍北掃，
舉不浹辰。紹遂奔北，河朔是賓。振旅京師，帝嘉
厥庸。乃位丞相，摠攝三公。光受上爵，君臨魏邦。
九錫昭備，大路火龍。玄鑑靈察，探幽洞微。下無
僞情，姦不容非。敦儉尚古，不玩珠玉。以身先下，
民以純樸。聖性嚴毅，平修清一。惟善是嘉，靡疏

靡昵怒過雷霆喜踰春日萬國肅虔望風震慄
旣摠庶政兼覽儒林窮著雅頌被之瑟琴茫茫
四海我王康之微微漢嗣我王匡之羣傑扇動
我王服之喁喁黎庶我王育之光有天下萬國
作君虔奉本朝德美周文以寬克衆每征必舉
四夷賓服功夷聖武翼帝王世神武鷹揚左鉞
右旄威凌伊呂年踰耳順體愉志肅乾乾庶事
氣過方叔宜並南嶽君國無窮如何不弔禍鍾
聖躬棄離臣子背世長終兆民號咷仰懇上穹

既以約終、令節不衰、既卽梓宮、躬御綴衣、璽不
存身、唯紼是荷、明噐無飾、陶素是嘉、既次西陵、
幽闈啟路、羣臣奉迎、我王安厝、窈窕玄宗、三光
不晰、幽闈一扃、尊靈永蟄、聖上臨穴、哀號靡及、
羣臣陪臨、佇立以泣、去此昭昭、於彼冥冥、永棄
兆民、下君百靈、千代萬乘、曷時復形、

文帝誄

惟黃初七年五月七日、大行皇帝崩、嗚呼哀哉、
於時天震地駭、崩山隕霜、陽精薄景、五緯錯行、

百姓吁嗟，萬國悲悼。若喪考妣，恩過慕唐。擗踊郊埜，仰想穹蒼。僉曰何辜，早世隕喪。嗚呼哀哉！悲夫大行，忽焉光滅。永棄萬民，雲往雨絕。承問荒惚，惛懵哽咽。袖鋒抽刃，欲自僵斃。追慕三良，甘心同穴。感彼南風，惟以鬱滯。終於偕沒，指景自誓。考諸先紀，尋之哲言。生若浮寄，惟德可論。朝聞夕逝，孔志所存。皇雖殪歿，天祿永延。何以述德，表之素旃。何敢詠功，宜之管絃。乃作誄曰：皓皓太素，兩儀始分。中和產物，肇有人倫。爰暨

三皇實秉道真、降逮五帝、繼以懿純、三代製作、
踵武立勲、季嗣不維、網漏於秦、崩樂滅學、儒坑
禮焚、二世而殲、漢氏乃因、弗求古訓、嬴政是遵、
王綱帝典、闕爾無聞、未光幽昧、道究運遷、乾坤
回曆、簡聖授賢、乃眷大行、屬以黎元、龍飛啟祚、
合契主玄、正行定紀、改號革年、明明赫赫、受命
於天、風偃物化、德以禮宣、祥惟聖質、岐嶷幼齡、
研幾六典、學不過庭、潛心無妄、亢志清冥、才秀
藻朗、如玉之瑩、聽察無響、瞻睹未形、其剛如金、

其貞如瓊、如水之潔、如砥之平、爵功無重、戮遣
無輕、心鏡萬機、鑒照下情、思良股肱、嘉昔伊呂、
搜揚側陋、舉湯代禹、拔才巖穴、取士蓬戶、惟德
是縈、弗拘禰祖、宅土之中、道義是圖、弗營厥險、
六合是虞、齊契其檢、導下以純、恢拓規矩、克紹
前人、科條品制、褒貶以因、乘殷之輅、行夏之辰、
金根黃屋、翠葆龍鱗、紉冕崇麗、衡純維新、尊肅
禮容、矚之若神、方牧妙舉、欽於恤民、虎將荷節、
鎮彼四隣、朱旗所勦、九壤被震、疇克不若、孰敢

不臣縣旌海表，萬里無塵，虜備凶徹。鳥殪江岷，
摧若涸魚，乾腊矯鱗，肅慎納貢，越裳效珍。條支
絕域，獻欵內賓，德儕先王，功侔太古。上靈降瑞，
黃初倣祐，河龍洛龜，陵波遊下。平均應繩，神鸞
翔舞，數莢階除，系風扇暑。皓獸素禽，飛走郊野。
神鐘寶鼎，形自舊土，雲英甘露，灑塗被宇。靈芝
冒沼，朱華蔭渚，回回凱風，祁祁甘雨。稼穡豐登，
我稷我黍，家佩惠君，戶蒙慈父。圖致太和，洽德
全義，將登泰山，先皇作儷。鐫石紀勲，兼錄衆瑞。

方隆封禪歸功天地賓禮百靈勲命視規望祭
四嶽燎封奉柴肅於南郊宗祀上帝三牲既供
夏禘秋嘗元侯佐祭獻璧奉璋鸞輿幽藹龍旂
太常爰迄太廟鐘鼓鏗鏘頌德詠功八佾鏘鏘
皇祖既饗烈考來享神具醉止降茲福祥天地
震蕩大行康之三辰暗昧大行光之皇紘絕維
大行綱之神噐莫統大行當之禮樂廢弛大行
張之仁義陸沉大行揚之潛龍隱鳳大行翔之
疏狄遐康大行匡之在位七載元功仍舉將永

太和絕迹三五宜作物師長爲神主壽終金石
等笑東父如何奄息摧身后土俾我熒熒靡瞻
靡顧嗟嗟皇穹胡甯忍務嗚呼哀哉明監吉凶
體達存亡深垂典制申之嗣皇聖上虔奉是順
是將乃創玄宇基於首陽擬迹穀林追堯纂唐
合山同陵不樹不疆塗車芻靈珠玉靡藏百神
警侍來賓幽堂耕禽田獸望魂之翔於是俟大
隧之致功兮練元辰之淑禎潛華體於梓宮兮
馮正殿以居靈顧皇嗣之號咷兮存臨者之悲

聲悼晏駕之旣往兮，感容車之速征。浮飛魂於輕霄兮，就黃墟以藏形。背三光之昭晰兮，歸玄宅之冥冥。嗟一往之不返兮，痛闕闕之長扃。咨遠臣之眇眇兮，成凶諱以怛驚。心孤絕而靡告兮，紛流涕而交頸。思息榮以橫奔兮，闕闕塞之巋峯。顧衰經以輕舉兮，念關防之我嬰。欲高飛而遙憇兮，憚天網之遠經。遙投骨於山足兮，報恩養於下庭。慨拊心而自悼兮，懼施重而命輕。嗟微軀之是效兮，甘九歿而忘生。幾司命之役

籍兮先黃髮而隕零天蓋高而察卑兮冀神明
於我聽獨鬱伊而莫告兮追顧景而憐形奏斯
文以寫思兮結翰墨以敷誠嗚呼哀哉

卞太后誄

失表

率土噴薄三光改度陵頽谷踊五行錯互皇室
蕭條羽檄四布百姓歛歔嬰兒號慕若喪考妣
天下縞素聖者知命殉道寶名義之攸在亦棄
厥生敢揚后德表之旒旌光垂罔極以慰我情
乃作誄曰

我皇之生、坤靈是輔、作合於魏、亦光聖武、篤生
文帝、紹虞之緒、龍飛紫宸、奄有九土、詳惟聖善、
岐嶷秀出、德配姜嫄、不忝先哲、立覽萬機、兼才
備藝、汎納容衆、含垢藏疾、仰奉諸姑、降接儔列、
陰處陽潛、外明內察、乃踐大位、母養萬國、溫溫
其人、不替明德、悼彼邊氓、未遑宴息、恒勞庶事、
兢兢翼翼、親桑蠶館、爲天下式、樊姬霸楚、書載
其庸、武王有亂、孔歎其功、我后齊聖、克暢丹聰、
不出房闈、心照萬邦、年踰耳順、乾乾匪倦、珠玉

不玩躬御，綈練日旰，忘饑臨樂，勿讌去奢，卽儉
曠世作顯，慎終如始，蹈和履貞，恭事神祇，昭奉
百靈，跼天踳地，祇畏神明，敬微慎獨，執禮幽冥，
虔肅宗廟，蠲薦三牲，降福無疆，祝云其誠，宜享
斯祐，蒙祉自天，何圖凶咎，不免斯年，嘗禱盡禮，
有篤無痊，豈命有終，神食其言，遺孤在疚，承諱
東藩，擗踊郊甸，洒淚中原，追號皇妣，棄我何遷，
昔垂顧復，今何不然，空宮寥廓，棟宇無煙，巡省
階塗，髣髴擣軒，仰瞻帷幄，俯察几筵，物不毀故，

而人不存，痛莫酷斯。彼蒼者天，遂臻魏都。游魂
舊邑，大隧開塗。靈魄斯戢，歎息霧興。揮淚雨集，
徘徊輜樞。號咷弗及，神光旣幽。佇立以泣。

任城王誄

昔二虢佐之，旦奭翼武。於休我王，魏之元輔。將
崇懿跡，等號齊魯。如何奄忽，命不是與。仁者悼
沒，兼彼殊類。矧我同生，能不憐悴。目想官堦，心
存乎素。彷彿魂神，馳情陵墓。凡夫愛命，達者徇
名。王雖薨，徂功著丹青。人誰不沒，德有遺聲。乃

作誄曰

幼有令德，光耀珪璋。存殊閔氏，義達參商。溫溫其恭，爰柔克剛。心存建業，王室是匡。矯矯元戎，雷動雨徂。橫行燕代，威懼北胡。奔虜無竄，還戰高柳。王率壯士，堂爲軍首。宜究長年，永保皇家。如何奄忽，景含之遐。同盟飲淚，百寮咨嗟。

大司馬曹休誄

於穆公侯，魏之宗室。明德繼踵，奕世純粹。闡弘汎愛，仁以接物。藝以爲華，體斯亮實。年沒弱冠。

志在雄英高揖名師發言有章東夏翕然稱曰
龍光貧而無怨孔以爲難嗟我公侯屢空是安
不耽世祿親悅爲歡好彼蓬樞甘此瓢簞味道
忘憂踰憲超顏矯矯公侯不撓其厄呵叱三軍
躬奮雉戟足蹴白刃手按飛鏑終弭淮南保我
疆場

光祿大夫荀侯誄

如冰之清如玉之潔法而不威和而不蒸百寮
士庶欬歔霑纓機女投杼農夫輟耕輪結轍而

不轉馬悲鳴而倚衡

王仲宣誄

建安二十二年正月二十四日戊申魏故侍中
關內侯王君卒、嗚呼哀哉、皇穹神察、喆人是恃、
如何靈祇、殲我吉士、誰謂不痛、早世卽冥、誰謂
不傷、華繁中零、存亡分流、天遂同期、朝聞夕沒、
先民所思、何用誄德、表之素旗、何以贈終、哀以
送之、遂作誄曰、

猗歟侍中、遠祖彌芳、公高建業、佐武伐商、爵同

齊魯邦嗣絕亡、流裔畢萬、勲績惟光、晉獻賜封、
於魏之疆、天開之祚、末胄稱王、厥姓斯氏、條分
葉散、世滋芳烈、揚聲秦漢、會遭陽九、炎光中曠、
世祖撥亂、爰建時雍、三台樹位、履道是鍾、寵爵
之加、匪惠惟恭、自君二祖、爲光爲龍、僉曰休哉、
宜翼漢邦、或統太尉、或掌司空、百揆惟叙、五典
克從、天靜人和、皇教遐通、伊君顯考、奕葉佐時、
入管機密、朝政以治、出臨朔岱、庶績咸熙、君以
淑懿、繼此洪基、既有令德、材枝廣宣、強記洽聞、

幽讚微言、文若春華、思若涌泉、發言可詠、下筆
成篇、何道不洽、何藝不閑、棊局逞巧、博奕惟賢、
皇家不造、京室隕顛、宰臣專制、帝用西遷、君乃
羈旅、離此阻艱、翕然鳳舉、遠竄荆蠻、身窮志達、
居鄙行鮮、振冠南嶽、濯纓清川、潛處蓬室、不于
勢權、我公奮鉞、耀威南楚、荆人或違、陳戎講武、
君乃義發、笑我師旅、高尚霸功、投身帝宇、斯言
旣發、謀夫是與、是與伊何、響我明德、投戈編郡、
稽顙漢北、我公寔嘉、表揚京國、金龜紫綬、以彰

勲則勲則伊何勞謙靡已憂世忘家殊畧卓峙
乃署祭酒與君行止笑無遺策畫無失理我王
建國百司俊又君以顯舉秉機省闈戴蟬珥貂
朱衣皓帶入侍帷幄出擁華蓋榮耀當世芳風
晻藹嗟彼東夷憑江阻湖騷擾邊境勞我師徒
光允戎輅霆駭風徂君侍華轂輝耀王塗思榮
懷附望彼來威如何不濟運極命衰寢疾彌留
吉往凶歸嗚呼哀哉翩翩孤嗣號慟崩摧發軫
北魏遠迄南淮經歷山河泣涕如頽哀風興感

行雲徘徊游魚失浪歸鳥忘棲嗚呼哀哉吾與
夫子義貫丹青好和琴瑟分過友生庶幾遐年
攜手同征如何奄忽棄我夙零感昔宴會志各
高厲予戲夫子金石難弊人命靡常吉凶異制
此歡之人孰先隕越何寤夫子果乃先逝又論
死生存亡數度子猶懷疑求之明據儻獨有靈
游魂泰素我將假翼飄颻高舉超登景雲要子
天路喪柩旣臻將及魏京靈輜迴軌白驥悲鳴
虛廓無見藏影蔽形孰云仲宣不聞其聲延首

歎息雨泣交頸嗟乎夫子永安幽冥人誰不歿
達士狗名生榮死哀亦孔之榮嗚呼哀哉

永安平陽懿公主誄

俯振地紀仰錯天文悲風激興霜焮雪雰凋蘭
天蕙良榦以泯於惟懿主瑛瑤其質協策應期
含英秀出岐嶷之姿實朗實極在生十旬察人
識物儀同聖表聲協音律驥眉識往俛瞳知來
求顏必笑和音則該阿保接手侍御充傍常在
襁褓不停幃牀專愛一宮取玩聖皇何圖奄忽

雁天之殃魂神遷移精爽翱翔號之不應聽之不
不聆帝用吁嗟嗚呼哀哉憐爾早沒不逮陰光
改封大郡惟帝舊疆建土開家邑移蕃王琨珮
惟鮮朱紱斯煌國號旣崇哀爾孤獨配爾君子
華宗貴族爵以列侯銀艾優渥成禮於宮靈輻
交轂生錐異室歿同山嶽爰構玄宮玉石交連
朱房皓壁皓曜電鮮飾終備衛法生象存長延
繕修神閨掩扉二樞並降雙魂孰依人誰不歿
憐爾尚微阿保激摧上聖傷悲城闕之詩以日

踰歲况我愛子，神光長滅，扃關一闔，曷其復晰。

蒼舒誄

建安十二年五月甲戌童子曹蒼舒卒，乃作誄

曰

於惟淑弟，懿矣純良，誕豐令質，荷天之光，旣哲且仁，爰柔克剛，彼德之容，慈我聿行，宜逢分祚，以永無疆，如何昊天，凋斯俊英，嗚呼哀哉，惟人之生，忽若朝露，促促百年，亶亶行暮，矧爾旣天，十三而卒，何辜於天，景命不遂。

十三而卒神事於天壽命不遂

女主忽若神靈對對可乎靈靈於燕飲爾則天

以承無靈收神是天降洪對英即和哀結對人

且斗靈氣京國對對女容慈慈非非宜發公和

然對對後靈矣與復對對今寶將天女

曰載在靈異室及同山

數史十二平五月甲戌童子曹恭得辛代於精

精修養精

細靈民海受千輒長其城尚關一闔是其所湖

哀辭

○仲雍哀辭

曹喟字仲雍、魏太子之仲子也。三月而生。五月而亡。昔后稷之在寒水。鬪穀之在楚澤。咸依鳥馮虎而無風塵之災。今之玄締文茵。無寒水之慘。羅幃綺帳。暖於翔鳥之翼。幽房閑宇。密於雲夢之野。慈母良保。仁乎鳥虎之情。卒不能延期於慕載。雖六旬而夭殃。彼孤蘭之眇眇。亮成幹其畢榮。哀綿綿之弱子。早背世而潛形。且四孟

之未周。將願之乎。一齡陰雲回於素蓋。悲風動其扶輪。臨埏闈以歛歔。淚流射而沾巾。

金瓠哀辭

金瓠予之首女。雖未能言。固已授色知心矣。生十九旬而夭折。乃作此辭。辭曰。文尚無家。在襁褓而撫育。尚孩笑而未言。不終年而夭絕。何見罰於皇天。信吾罪之所招。悲弱子之無讐。去父母之懷抱。滅微骸於糞土。天長地久。人生幾時。先後無覺。從爾有期。

行女哀辭

行女生於季秋、而終於首夏、三年之中、二子頻
喪、伊上帝之降命、何短修之難裁、或華髮以終
年、或懷妊而逢災、感前哀之未闕、復新殃之重
來、方朝華而晚敷、比辰露而先晞、感逝者之不
追、悵情忽而失度、天蓋高而無階、懷此恨其誰
訴、

之末周將...
 其秋...
 自是...
 來...
 平...
 喪...
 亦...

陳思王集卷之一

一兩有辨

陳思王集卷之二

明 太倉張溥西銘閱

樂府

詩品云。植詩源出於國風。骨氣奇高。詞彩華茂。情兼怨雅。體被文質。粲溢今古。卓爾不羣。嗟乎。陳思之于文章也。譬人倫之有周孔。鱗羽之有龍鳳。音樂之有琴笙。女工之有黼黻。俾爾懷鉛吮墨者。抱篇章而景慕。映餘輝以自燭。故孔氏之門。如有詩。則公榦升堂。思王入室。景陽潘陸。自可坐於廊廡之間矣。皓然詩評云。鄴中七子。陳王最。高。劉。郎。辭氣偏正。得其中。不拘對屬。偶或有之。語與興。勢逐情起。不由作意。氣

格自高十九首其流一也。詩譜云：斷削精
潔，自然沉健。竹林詩評云：曹子建之作亦
正。亦變駿駿乎大雅之製焉。蘭莊詩話云
子建詩質樸渾厚，春容雋永，風調非後人
易到。陳子昂、李太白慕以為宗。信乎晉以
下鮮其儷也。予每讀其詩，灑然有千古之
想。無名氏云：選中子建詩，懇惻慷慨，頗有
風人遺意。李夢陽序云：植其音，宛其情，危
其言，憤切而有餘悲。殆處危疑之際者乎。
藝苑卮言云：子建天才流麗，雖譽冠千古
而實避父兄。何以故？材太高，辭太華，又書
云：子建才敏於父兄，然不如其父兄。質漢
樂府之變。
自子建始。

篴篴引

置酒高殿上。親友從我遊。中厨辦豐膳。烹羊宰

肥牛。秦箏何慷慨。齊瑟和且柔。陽阿奏奇舞。京
洛出名謳。樂飲過三爵。緩帶傾庶羞。王稱千金
壽。賓奉萬年酬。久要不可忘。薄終義所尤。謙謙
君子德。磬折欲何求。驚風飄白日。光景馳西流。
盛時不可再。百年忽我遒。生存華屋處。零落歸
山丘。先民誰不死。知命復何憂。

薤露行

樂府解題云。曹植擬薤露行爲天地。

天地無窮極。陰陽轉相因。人居一世間。忽若風
吹塵。願得展功勤。輸力於明君。懷此王佐才。慷

慨獨不群，鱗介尊神龍。走獸宗麒麟，蟲獸猶知德。何況於士人，孔氏刪詩書。王業粲已分，騁我徑寸翰。流藻垂華芬。

山三 惟漢行

魏武帝薤露詩云：惟漢二十世，所任誠不良。

太極定二儀，清濁始以形。三光炤八極，天道甚著明。爲人立君長，欲以遂其生。行仁章以瑞，變故誠驕盈。神高而聽卑，報若響應聲。明主敬細微，三季曹天經。三皇稱至化，盛哉唐虞庭。禹湯既厥德，周亦致太平。在昔懷帝京，日昃不敬甯。

濟濟在公朝萬載馳其名北階東而西

平陵東賈天

闔闔開天衢通被我羽衣粲飛龍粲飛龍與仙

期東上蓬萊採靈芝靈芝採之可服食年若王

父終無極若一作與

鰕鮒篇一曰鰕鮒篇按樂府解題云曹植擬長歌行為鰕鮒

鰕鮒游潢潦不知江海流燕雀戲藩柴安識鴻

鵠遊世士此誠明大德固無儔駕言登五嶽然

後小陵上俯觀上路人勢利惟是謀讐高念皇

家。遠懷柔九州。撫劔而雷音。猛氣縱橫浮。汎泊
徒嗷嗷。誰知壯士憂。

吁嗟篇

選詩拾遺作瑟調飛蓬篇按樂府

志云植每欲求別見獨談及時政幸冀
試用終不能得時法制待藩國峻泊植
十一年而三徙
都常汲汲無歡

吁嗟此轉蓬。居世何獨然。長土本根逝。宿夜無
休閒。東西經七陌。南北越九阡。卒遇回風起。吹
我入雲間。自謂終天路。忽然下沈泉。驚飈接我
出。故歸彼中田。當南而更北。謂東而反西。宕宕

當何依。忽亡而復存。飄颻周八澤。連翩歷五山。
流轉無恒處。誰知吾苦艱。願為中林草。秋隨野
火燔。糜滅豈不痛。願與根芟連。

泉一作淵
根一作株

樂府 豫章行二首

樂府解題云曹植
擬豫章行為窮達

窮達難豫圖。禍福信亦然。虞舜不逢堯。耕耘處
中田。太公未遭文。漁釣終渭川。不見魯孔丘。窮
困陳蔡間。周公下白屋。天下稱其賢。

終一作經

其二

鴛鴦自朋親。不若比翼連。他人雖同盟。骨肉天

性然周公穆康叔管蔡則流言子臧讓千乘季
札慕其賢

蒲生行浮萍篇

浮萍寄清水隨風東西流結髮辭嚴親來爲君
子仇恪勤在朝夕無端獲罪尤在昔蒙恩惠和
樂如瑟琴何意今摧頽曠若參與商茱萸自有
芳不若桂與蘭新人雖可愛無若故所歡行雲
有反期君恩儻中還慊慊仰天歎愁心將何剋
日月不恒處人生忽若寓悲風來入懷淚下如

垂露發篋造裳衣。裁縫紉與素。

懷一作惟裳一作新談藝錄

云詩不能受瑕工拙之間相去無幾頓自絕殊如塘上行云莫以賢豪故棄捐素所愛莫以魚

肉賤棄捐葱與薤莫以麻泉賤棄捐菅與蒹浮萍篇則曰茱萸自有芳不若杜與蘭新人雖可

愛無若故所歡本自倫語然佳不如塘上行藝苑卮言云洛神賦王右軍大令各書數十本當

是晉人極推之耳清徹圓麗神女之流陳王諸賦皆小言無及者然此賦始名感甄又以蒲生

當其塘上際此忌兄而不自匿諱何也蒲生實不如塘上令洛神見之未免笑子建儉父耳

當來日大難

樂府解題云曹植擬善哉行爲日苦短

日苦短樂有餘。乃置玉樽辦東厨。廣情故心相。於闔門置酒和樂欣欣。遊馬後來轅車解輪今

日同堂出門異鄉別易會難各盡杯觴

丹霞蔽日行

魏文帝詩云丹霞蔽日采虹垂天明帝步出夏門行亦云

紂為昏亂虐殘忠正周室何隆一門三聖牧野

致功天亦革命漢祚之興階秦之衰雖有南面

王道陵夷炎光再幽殄滅無遺

野田黃雀行

高樹多悲風海水揚其波利劍不在掌結友何

須多不見籬間雀見鵲自投羅羅家得雀喜少

年見雀悲拔劍捎羅網黃雀得飛飛飛飛摩蒼

天來不謝少年

談藝錄云氣本尚壯亦忌銳逸魏祖云老驥伏櫪志在于里烈

士暮年壯心不已猶曖曖也思王野田黃雀行譬如錐出囊中大索露矣

門有萬里客

門有萬里客問君何鄉人
褰裳起從之果得心
所親挽裳對我泣太息
前自陳本是朔方士
今為吳越民行行將復行
去去適西秦

泰山梁甫行

八方各異氣千里殊風雨
劇哉邊海民寄身於
草野妻子象禽獸行止依林阻
柴門何蕭條狐

兔翔我宇

怨詩行

明月照高樓。流光正徘徊。上有愁思婦。悲歎有

餘哀。

解一

借問歎者誰。自云蕩子妻。夫行踰十載。

賤妾常獨棲。

解二

念君過於渴。思君劇於飢。君作

高山栢。妾為濁水泥。

解三

北風行蕭蕭。烈烈入吾

耳。心中念故人。淚墮不能止。

解四

浮沈各異路。會

合當何諧。願作東北風。吹我入君懷。

解五

君懷常

不開。賤妾當何依。恩情中道絕。流止任東西。

解六

我欲竟此曲。此曲悲且長。今日樂相樂。別後莫

相忘。

七解栢一作桐。右一曲晉樂所奏七哀。此篇本辭。○呂氏童蒙訓云。讀古詩十九

首及曹子建諸詩。如明月照高樓。流光正徘徊。之類。皆思深遠而有餘意。言有盡而意無窮也。學者當以此等詩常自涵養。自然下筆高妙。

怨歌行

伎錄樂府解題作古辭。郭茂倩樂府作曹植。

為君既不易。為臣良獨難。忠信事不顯。乃有見

疑患。周公佐成王。金縢功不利。推心輔王室。二

叔反流言。待臯居東國。泣涕常流連。皇靈大動

變。震雷風且寒。拔樹偃秋稼。天威不可干。素服

開金滕、感悟、求其端、公旦事既顯、成王乃哀歎

吾欲竟此曲、此曲悲且長、今日樂相樂、別後莫

相忘、右一曲晉樂所奏

輦舞歌五首

序曰漢靈帝西園鼓吹有李堅者能鞞

舞、遭亂西隨段熲、先帝聞其舊有技、召

之、堅既中廢、兼古曲多謬誤、故改作新

歌五篇、古今樂錄云漢曲五篇、一曰關

東有賢女、二曰章和二年中、三曰樂久長、四曰四方皇、五曰殿前生桂樹、並章帝造、魏曲五篇、一明明魏皇帝

二大和有聖帝三魏歷長四天生烝民
五為君既不易並明帝造以代漢曲其
辭並亡陳思王又有五篇一聖皇篇以
當章和二年中二靈芝篇以當殿前生
桂樹三大魏篇以當漢吉昌四精微篇
以當關中有賢女五孟冬篇以當狡兔
按漢曲無漢吉昌狡兔二篇疑樂久長
四方皇是也隋書樂志云鞞舞漢巴渝
舞也按樂錄隋志並以鞞舞為巴渝今
考漢魏二篇歌辭各異本不相亂蓋因
梁陳之世於鞞舞前作巴渝弄遂云一
舞二名殊不知二舞亦容合作猶巾舞
以白紵送豈得便謂白紵為巾舞邪失之遠矣

聖皇篇

聖皇應歷數正康帝道休九州咸賓服威德洞

入幽。三公奏諸公。不得久淹留。蕃位任至重。舊
章咸率由。侍臣省文奏。陛下體仁慈。沈吟有愛
戀。不忍聽可之。道有官典憲。不得顧恩私。諸王
當就國。璽綬何累縷。便時舍外殿。宮省寂無人。
主上增顧念。皇母懷苦辛。何以爲贈賜。傾府竭
寶珍。文錢百億萬。采帛若烟雲。棗輿服御物。錦
羅與金銀。龍旂垂九旒。羽蓋參班輪。諸王自計
念。無功荷厚德。思一效筋力。糜軀以報國。鴻臚
擁節衛。副使隨經營。貴戚並出送。夾道交輜輶。

車服齊整設。韓擘耀天精。武騎衛前後。鼓吹簫
笳聲。祖道魏東門。淚下霑冠纓。扳蓋因內顧。俛
仰慕。同生行行將日暮。何時還闕庭。車輪爲徘徊。
四馬躊躇鳴。路人尚酸鼻。何況骨肉情。

靈芝篇

靈芝生天地。朱草被洛濱。榮華相晃耀。光采擘
若神。古時有虞舜。父母頑且嚚。盡孝於田壠。烝
烝不違仁。伯瑜年七十。綵衣以娛親。慈母笞不
痛。歔歔涕霑巾。丁蘭少失母。自傷蚤孤熒。刻木

當嚴親。朝夕致三牲。暴子見陵侮。犯罪以亡形。
丈人爲泣血。免戾全其名。董永遭家貧。父老財
無遺。舉假以供養。傭作致甘肥。責家填門至。不
知何用歸。天靈感至德。神女爲秉機。歲月不安
居。嗚呼我皇考。生我旣已晚。棄我何其早。蓼莪
誰所興。念之令人老。退詠南風詩。灑淚滿禕袍。
亂曰。聖皇君四海。德教朝夕宣。萬國咸禮讓。百
姓家。肅虔庠序不失儀。孝弟處中田。戶有曾閔
子。比屋皆仁賢。髻鬣無天齒。黃髮盡其年。陛下

三萬歲慈母亦復然

困學紀聞云陳思王靈芝篇云伯瑜年七十綵衣以

娛親今人但知老子之事而不知伯瑜

大魏篇

王勳世大魏篇

大魏應靈符天祿方甫始聖德致泰和神明為

驅使左右為供養中殿宜皇子陛下長壽考群

臣拜賀咸悅喜積善有餘慶寵祿固天常眾喜

填門至臣子蒙福祥無患及陽遂輔翼我聖皇

眾吉咸集會凶邪姦惡並滅亡黃鵠遊殿前神

鼎周四阿玉馬克乘輿芝蓋樹九華白虎戲西

除舍利從辟邪。騏驥躡足舞鳳皇。拊翼歌豐年。
大置酒。玉樽列廣庭。樂飲過三爵。朱顏暴已形。
式宴不違禮。君臣歌鹿鳴。樂人舞鞀鼓。百官雷
抃讚。若驚儲禮如江海。積善若陵山。皇嗣繁且
熾。孫子列曾玄。群臣咸稱萬歲。陛下長壽樂年。
御酒停未飲。貴戚跪東廂。侍人承顏色。奉進金
玉觴。此酒亦真酒。福祿當聖皇。陛下臨軒笑。左
右咸歡康。杯來一何遲。群僚以次行。賞賜累千
億。百官並富昌。

精微篇

精微爛金石，至心動神明。杞妻哭死夫，梁山爲
之傾。子丹西質秦，烏白馬角生。鄒衍囚燕市，繁
霜爲夏零。關東有賢女，自字蘇來卿。壯年報父
仇，身沒垂功名。女休逢赦書，白刃幾在頸。俱上
列仙籍，去死獨就生。太倉令有罪，遠徵當就拘。
自悲居無男，禍至無與俱。緹縈痛父言，荷擔西
上書。盤桓北闕下，泣淚何漣如。乞得并姊弟，沒
身贖父軀。漢文感其義，肉刑法用除。其父得以

免辯義在列圖多男亦何爲一女足成居簡子
南渡河津吏廢舟船執法將加刑女娟擁櫂前
妾父聞君來將涉不測淵畏懼風波起禱祝祭
名川備禮饗神祇爲君求福先不勝醑祀誠至
令犯罰艱君必欲加誅乞使知罪讐妾願以身
代至誠感蒼天國君高其義其父用赦原河激
奏中流簡子知其賢歸聘爲夫人榮寵超後先
辯女解父命何況健少年黃初發和氣明堂德
教施治遊致太平禮樂風俗移刑措民無枉怨

女復何爲聖皇長壽考。景福常來儀。

孟冬篇

孟冬十月。陰氣厲清。武官誠田。講旅統兵。元龜
襲吉。元光著明。蚩尤蹕路。風弭雨停。乘輿啟行。
鸞鳴幽軋。虎賁采騎。飛象珥鵠。鐘鼓鏗衛。簫管
嘈喝。萬騎齊鑣。千棨等蓋。夷山填谷。平林滌藪。
張羅萬里。盡其飛走。趨趨狡兔。揚白跳翰。獵以
青骹。掩以脩竿。韓盧宋鵠。呈才騁足。噬不盡縹。
牽麋倚鹿。魏氏發機。養基撫弦。都盧尋高。搜索

猴、援、慶、忌、孟、賁、蹈、谷、超、巒、張、目、決、皆、髮、怒、穿、冠。
頓、熊、扼、虎、蹴、豹、搏、貙、氣、有、餘、勢、負、象、而、趨、獲、車。
既、盈、日、側、樂、終、罷、役、解、徒、大、饗、離、宮、亂、曰、聖、皇。
臨、飛、軒、論、功、校、獵、徒、歿、禽、積、如、京、流、血、成、溝、渠。
明、詔、大、勞、賜、大、官、供、有、無、走、馬、行、酒、醴、驅、車、布。
肉、魚、鳴、鼓、舉、觴、爵、擊、鍾、酌、無、餘、絕、綱、縱、麟、麇、弛。
罩、出、鳳、雛、收、功、在、羽、校、威、靈、振、鬼、區、陛下、長、歡。

樂、永、世、合、天、符、

綱一作
網襟曲

桂之樹行

桂之樹。桂之樹。桂生一何麗。佳揚朱華而翠葉。
流芳布天涯。上有棲鸞。下有盤螭。桂之樹。得道
之真人。咸來會。講仙教。爾服食日精。要道甚省。
不煩淡泊無爲。自然乘蹻萬里之外。去留隨意。
所欲存。高高上際於衆外。下下乃窮極地天。

當牆欲高行

龍欲升天。須浮雲。人之仕進待中人。衆口可以
鑠金。讒言三至。慈母不親。憤憤俗間。不辯僞真。
願欲披心自說陳。君門以九重。道遠河無津。

當欲游南山行

東海廣且深。由卑下百川。五嶽雖高大。不逆垢
與塵。良木不十圍。洪條無所因。長者能搏愛。天
下寄其身。大匠無弃材。船車用不均。錐刀各異
能。何所獨郤前。嘉善而矜愚。大聖亦同然。仁者
各壽者。四坐咸萬年。

當事君行

人生有所貴尚。出門各異情。朱紫更相奪。色雅
鄭異音聲。好惡隨所愛。憎追舉逐聲名。百心可

事一君巧詐甯拙誠

當車以駕行

歡坐玉殿會諸貴客侍者行觴主人離席顧視
東西廂絲竹與鞞鐸不醉無歸來明燈以繼夕

妾薄命二首

携玉手喜同車北上雲閣飛除釣臺蹇產清虛
池塘觀沼可娛仰泛龍舟綠波俯擢神草枝柯
想彼宓妃洛河退詠漢女湘娥

觀一作靈

其二

日月旣逝西藏。更會蘭室洞房。華燈步障舒光。
皎若日出扶桑。促樽合坐行觴。主人起舞溢盤
能者。穴觸別端。騰觚飛爵闌干。同量等色齊顏。
任意交屬所歡。朱顏發外形。蘭袖隨禮容。極情
妙舞。僊僊體輕。之解履遺。絕纓。俛仰笑喧無呈
覽持佳人玉顏。齊舉金爵翠盤。手形羅袖良難。
腕弱不勝珠環。坐者歎息舒顏。御金裊粉君傍。
中有霍納都梁。雞舌五味襍香。進者何人齊姜。
恩重夢深難忘。召廷親好宴私。但歌盃來何遲。

客賦既醉言歸。主人稱露未晞。

日月既逝。藝文作日既逝矣。華

燈步障舒光。玉臺作花燭。步帳輝煌。舉玉臺作接。

名都篇

歌錄云名都美女白馬。並齊瑟行也。皆以首句名篇。

名都多妖女。京洛出少年。寶劍直千金。被服麗

且鮮。鬪雞東郊道。走馬長楸間。馳騁未能半。雙

兔過我前。攬弓捷鳴鏑。長驅上南山。左挽因右

發。一縱兩禽連。餘巧未及展。仰手接飛鳶。觀者

咸稱善。衆工歸我妍。歸來宴平樂。美酒斗十千。

膾鯉膾胎鰕。炮鼈炙熊蹯。鳴儔嘯匹侶。列坐竟

長筵連翩擊鞠攘巧捷惟萬端白日西南馳光

景不可攀雲散還城邑清晨復來還復齋謾錄云曹植詩

鬪雞東郊道走馬長楸間陳沈炯邊馬有歸心

詩彌意長楸道金鞍背落暉杜子美玉腕騮詩

頓驟飄赤汗踟躕顧長楸畫馬圖詩霜蹄蹴踏

長楸間茗溪漁隱云文選注古人種楸於道故

日長楸野客叢書云歷陽郭次象多間嘗與僕

論唐酒價郭謂前輩引老杜詩速令相就飲一

斗恰有三百青銅錢以此知當時酒價然白樂

天與劉夢得沽酒間飲詩曰共把十千沽一斗

相看七十欠三年當劉白之時酒價何太不廉

哉僕謂不然十千一斗乃詩人寓言此曹子建

樂府中語耳唐人引此甚多如李白詩曰金樽

沽酒斗十千王維詩曰新豐美酒斗十千崔輔

國詩云與沽一斗酒恰用十千錢許渾詩云十

千酒沽留君醉權德輿詩云十千斗酒不知貴

陸龜蒙詩云若得奉君歡十千沽一斗唐人言
十千一斗類然一斗三百錢獨見子美所云故
引以定當時之價然詩人所言出於一時又未
知果否一斗三百別無可據唐食貨志云德宗
建平三年禁民酤以佐軍費置四釀酒斛收直
二千此可驗乎又觀玠談數北齊盧思道
嘗云長安酒賤斗價三百杜詩引此亦未可知
僕因謂郭曰曾知漢酒價否郭無以應僕謂漢
酒價每斗一千郭謂出於何書僕曰此見典論
云考靈帝末年百司酒酒一斗直千文此可證
也丹鉛餘錄云古書不可妄改聊舉一端如曹
子建各都篇膾鯉勝胎蝦寒鼈炙熊膳此舊本
也五臣妄改作魚鱉文選李善注云今之時餉
謂之寒蓋韓國饌用此法鹽鐵論羊淹雞寒崔
駟傳亦有雞寒曹植文寒鶴蒸麋劉熙釋名韓
雞爲正古字寒與韓通也按丹鉛此論誠爲有
據然詩有云魚
鼈膾鯉魚亦通

美女篇

美女妖且閑。採桑岐路間。柔條紛冉冉。落葉何
翩翩。攘袖見素手。皓腕約金環。頭上金爵釵。腰
佩翠琅玕。明珠交玉體。珊瑚間木難。羅衣何飄
颻。輕車隨風還。顧盼遺光彩。長嘯氣若蘭。行徒
用息駕。休者以忘餐。借問女安居。乃在城南端。
青樓臨大路。高門結重關。容華耀朝日。誰不希
令顏。媒氏何所營。玉帛不時安。佳人慕高義。求
賢良。獨難衆人徒。嗷嗷安知彼所觀。盛年處房

至中夜起長歎。

白馬篇

白馬飾金羈，連翩西北馳。借問誰家子，幽拜遊
俠兒。小小去鄉邑，揚聲沙漠垂。宿昔秉良弓，楛
矢何參差。控弦破左的，右發摧月支。仰手接飛
猱，俯身散馬蹄。狡捷過猴猿，勇剽若豹螭。邊城
多警急，胡虜數遷移。羽檄從北來，厲馬登高隄。
長驅蹈匈奴，左顧陵鮮軍。弃身鋒刃端，性命安
可懷。父母且不顧，何言子與妾。名編壯士籍，不

得中顧私捐軀赴國難視死忽如歸

苦思行

綠蘿緣玉樹光曜粲相暉下有兩真人舉翅翻
高飛我心何踴躍思欲攀雲追鬱鬱西岳顛石
室室青蔥與天連中有耆年一隱士鬚髮皆皓
然策杖從吾遊教我要忘言

升天行二首

樂府解題云曹植又有上仙
與神遊五遊龍欲升天等

篇皆傷人世不永俗情險艱當求神仙
翱翔六合之外與飛龍仙人二遊篇前

緩聲歌
同意

乘躋追術士，遠之蓬萊山。
靈液飛素波，蘭桂上參天。
芝豹遊其下，翔鳴戲其顛。
棄風忽登舉，彷彿見衆仙。

其二

扶桑之所出，乃在朝陽谿。
中心陵蒼昊，布葉蓋天涯。
日出登東幹，旣夕沒西枝。
願得紆陽轡，迴日使東馳。

五遊篇

九州不足步，願得凌雲翔。
逍遙八紘外，遊自歷

遐荒披我丹霞衣，襲我素霓裳。華蓋紛晻藹，六
龍仰天驤。曜靈未移景，倏忽造昊蒼。閭闔啟丹
扉，雙闕曜朱九。徘徊文昌殿，登陟太微堂。上帝
休西櫺，羣后集東廂。帶我瓊瑤佩，漱我沆瀣漿。
踟躕玩靈芝，徒倚弄華芳。王子奉仙藥，羨門進
竒方。服食享遐紀，延壽保無疆。

遠遊篇

楚辭遠遊章云：悲時俗之迫阨兮，願輕舉而遠遊。質菲薄而無因兮，

馮天支

馮託乘而上浮，王逸云：遠遊者，屈原之所作也。屈原履方直之行，不容於世，困於讒佞，無所告訴，乃思與仙人俱遊，戲周歷大地，無所不至焉。

乘龍車

於讒佞無所告訴，乃思與仙人俱遊，戲周歷大地，無所不至焉。

周林士

遠遊臨四海。俯仰觀洪波。方魚若曲陵。承浪相
經過。靈鼇戴方丈。神岳儼嵯峨。仙人翔其隅。玉
女戲其阿。瓊蕊可療飢。仰首吸朝霞。崑崙本吾
宅。中州非我家。將歸謁東父。一舉超流沙。鼓翼
舞時風。長嘯激清歌。金石固易弊。日月同光華。
齊年與天地。萬乘安足多。

仙人篇

樂府廣題云秦始皇三十六年使
博士爲仙人詩遊行天下令樂

人歌之曹植仙人篇曰仙人攬六著言
人生如寄當養羽翼徘徊九天以從韓
終王喬於天衢也齊陸瑜又
有仙人攬六著篇蓋出於此

仙人攬六著。對博太山隅。湘娥撫琴瑟。秦女吹
笙竽。玉樽盈桂酒。河伯獻神魚。四海一何局。九
州安所如。韓終與王喬。要我於天衢。萬里不足
步。輕舉凌太虛。飛騰踰景雲。高風吹我軀。廻駕
觀紫微。與帝合靈符。闔闔自嵯峨。雙闕萬丈餘。
玉樹扶道生。白虎夾門樞。驅風遊四海。東過王
母廬。俯觀五岳間。人生如寄居。潛光養羽翼。進
趣且徐徐。不見昔軒轅。升龍出鼎湖。徘徊九天
下。與爾長相須。

飛龍篇

楚辭離騷云為余駕飛龍弓。禱瑤以為車。曹植飛龍篇亦言求仙

者乘飛龍而昇天與楚辭同意

晨遊泰山。雲霧窈窕。忽逢二童。顏色鮮好。藥彼

白鹿。手翳芝草。我知真人。長跪問道。西登玉堂

金樓。復道授我仙藥。神皇所造。教我服食。還精

補腦。壽同金石。永世難老。

鬪雞篇

春秋左氏傳云季郈之雞鬪。季氏介其雞。郈氏為之金距。杜預云擣

芥子播其羽也。或云以膠沙播之為介

雞。鄴都故事云。魏明帝大和中築鬪雞

臺。趙王石虎亦以芥羽漆砂鬪雞于此

故曹植詩云鬪雞東郊道。走馬長楸間

是也

遊日極妙伎清聽厭宮商。主人寂無爲眾賓。進
樂方長筵坐戲客鬪雞觀。閒房羣雄正翕赫。雙
翅自飛揚揮羽邀清風。悍目發朱光。背落輕毛
散。嚴距往往傷。長鳴入青雲。扇翼獨翱翔。願蒙
狸膏助。常得擅此場。

盤石篇

盤石山巔石。飄颻澗底蓬。我本太山人。何爲客
淮東。藿葭彌斥土。林本無分重。岸巖若崩缺。湖

水何洶洶蚌蛤被濱涯光彩如錦虹高彼凌雲
霄浮氣象螭龍鯨脊若丘陵鬚若山上松呼吸
吞船櫂澎瀛戲中鴻方舟尋高價珍寶麗以通
一舉必千里乘颶舉帆幢經危履險阻未知命
所鍾常恐沈黃墟下與鼉鼉同南極蒼梧野遊
眇窮九江中夜指參辰欲師當定從仰天長太
息思想懷故邦乘桴何所志于我嗟孔公

驅車篇

驅車揮駑馬東到奉高城神哉彼太山五嶽專

其名隆高貫雲霓，嗟峨出太清。周流二六候，間
置十二亭。上有涌醴泉，玉石揚華英。東北望吳
野，西眺觀日精。魂神所繫屬，逝者感斯征。王者
以歸天，效厥元功成。歷代無不遵，禮記有品程。
探策或長短，唯德享利貞。封者七十帝，軒皇元
獨靈。食霞漱沆瀣，毛羽被身形。發舉蹈虛廓，徑
廷升窈冥。同壽東父年，曠代永長生。

種葛篇

種葛南山下，葛藟自成陰。與君初婚時，結髮恩

義深歡愛在枕席。宿昔同衣衾。竊慕棠棣篇。好
樂和瑟琴。行年將晚暮。佳人懷異心。恩紀曠不
接。我情遂抑沈。出門當何顧。徘徊步北林。下有
交頸獸。仰見雙棲禽。攀枝長歡息。淚下沾羅襟。
良馬知我悲。延頸代我吟。昔爲同池魚。今爲商
與參。往古皆歡遇。我獨困於今。弃置委天命。悠
悠安可任。

弃婦篇

石榴植前庭。綠葉搖縹青。丹華灼烈烈。璀璨彩有

光榮光榮擘流離。可以處淑靈。有鳥飛來集。拊
翼以悲鳴。悲鳴夫何爲。丹華實不成。拊心長歎
息。無子當歸甯。有子月經天。無子若流星。天月
相終始。流星沒無精。棲遲失所宜。下與瓦石并。
憂懷從中來。歎息通雞鳴。反側不能寤。逍遙於
前庭。踟躕還入房。蕭蕭帷幕聲。舉帷更攝帶。撫
弦調鳴箏。慷慨有餘音。要妙悲且清。收淚長歎
息。何以負神靈。招搖待霜露。何必春夏成。晚穫
爲良實。願君且安甯。

上責躬應詔詩

魏書云植文帝弟建安中封平原侯徒臨菑侯既以

才見異而丁儀丁廙楊脩等為之羽翼

太祖狐疑幾為太子者數矣而植任性

而行不自彫勵飲酒不節文帝御之以

術矯情自飾故遂定為嗣文帝即王位

誅丁儀丁廙植與諸侯並就國黃初二

年監國謁者灌均希指奏植醉酒悖慢

劫脅使者有司請治罪帝以太后故貶

爵安鄉侯其年改封鄆城侯三年立為

鄆城王四年徙封雍丘王其年朝京都

上疏并獻詩又有應詔詩帝嘉其詞義

優詔答勉之

臣自抱釁歸藩刻肌刻骨追思罪戾晝

分而食夜分而寢誠以天綱不可重離

聖恩難可再恃。竊感相鼠之篇。無禮造死之義。形影相弔。五情愧赧。以罪弃生。則違古賢。夕改之勸。忍活苟全。則犯詩人。胡顏之譏。伏惟陛下。德象天地。恩隆父母。施暢春風。澤如時雨。是以不別荆棘者。慶雲之惠也。七子均養者。尸鳩之仁也。舍罪責功者。明君之舉也。矜愚愛能者。慈父之恩也。是以愚臣徘徊於恩澤。而不能自弃者也。前奉詔書。臣等絕

朝心離志絕。自分黃耆無復執珪之望。
不圖聖詔猥垂齒召。至止之日。馳心輦
轂。僻處西館。未奉闕庭。踴躍之懷。瞻望
反仄。謹拜表獻詩二篇。其辭曰

於穆顯考。時惟武皇。受命于天。甯濟四方。朱旗
所拂。九土披攘。玄化滂流。荒服來王。超南越周。
與唐比蹤。篤生我皇。奕世載聰。武則肅烈。文則
時雍。受禪于漢。君臨萬邦。萬邦旣化。率繇舊則。
廣命懿親。以藩王國。帝曰爾侯。君茲青土。奄有

海濱方周于魯。車服有輝。旗章有敘。濟濟雋乂。
我弼我輔。伊予小子。恃寵驕盈。舉挂時網。動亂
國經。作藩作屏。先軌是隳。傲我皇使。犯我朝儀。
國有典刑。我削我紕。將寘于理。元兇是率。明明
天子。時惟篤類。不忍我刑。暴之朝肆。違彼執憲。
哀予小臣。改封兖邑。于河之濱。股肱弗置。有君
無臣。荒淫之闕。誰弼予身。熒熒僕夫。于彼冀方。
嗟予小子。乃罹斯殃。赫赫天子。恩不遺物。冠我
玄冕。要我朱紱。光光大使。我榮我華。剖符受玉。

王爵是加仰齒金璽。俯執聖策。皇恩過隆。祇承
休惕。咨我小子。頑兇是嬰。逝慙陵墓。存愧闕庭。
匪敢傲德。實恩是恃。威靈改加。足以沒齒。昊天
罔極。生命不圖。常懼顛沛。抱罪黃墟。願蒙矢石。
建旗東嶽。庶立毫釐。微功自贖。危軀授命。知足
免戾。甘赴江湘。奮戈吳越。天啟其衷。得會京畿。
遲奉聖顏。如渴如飢。心之云慕。愴矣其悲。天高
聽卑。皇日照微。于漢魏志作炎漢。絀集作黜。時
惟篤類一作時篤同類。臣一作
子。大一作天。玉一
作土。生魏志作性。

應詔詩

李周翰云應詔來京師於道所見對詔而作

肅承明詔。應會皇都。星陳夙駕。秣馬脂車。命彼
掌徒。肅我征旅。朝發鸞臺。夕宿蘭渚。芒芒原隰。
祁祁士女。經彼公田。樂我稷黍。爰有樛木。重陰
匪息。雖有餽糧。飢不遑食。望城不過。面邑不游。
僕夫警策。平路是繇。玄駟藹藹。揚鑣漂沫。流風
翼衡。輕雲承蓋。涉澗之濱。緣山之隈。遵彼河澗。
黃坂是階。西躋關谷。或降或升。駢驂倦路。載寢
載興。將朝聖皇。匪敢晏甯。弭節長驚。指日遄征。

前驅舉燧後。棄抗旌。輪不輟。運鑿無廢聲。爰暨
帝室。稅此西墉。嘉詔未賜。朝覲莫從。仰瞻城闕。
俯惟闕庭。長懷永慕。憂心如醒。

朔風詩

李周翰云。時爲東阿王。在藩感北風思歸。故有此詩。文選總一章。集

作五章。今分注爲五章。而不顯列其數。蓋兩存之也。

仰彼朔風。用懷魏都。願騁代馬。倏忽北徂。凱風
永至。思彼蠻方。願隨越鳥。翻飛南翔。其一四氣代
謝。懸景運周。別如俯仰。脫若三秋。昔我初遷。朱
華未晞。今我旋止。素雪云飛。其二俯降千仞。仰登

天阻風飄蓬飛載離寒暑千仞易陟天阻可越

昔我同袍今永乖別其子好芳草豈忘爾貽繁

華將茂秋霜悴之君不垂眷豈云其誠秋蘭可

喻桂樹冬榮其絃歌蕩思誰與銷憂臨川慕思

何為汎舟豈無和樂游非我隣誰忘泛舟愧無

榜人其五○蜩笑外稿云小雅云昔我往矣楊

矣黍稷方華今我來思雨雪霏霏又云昔我往

役之情矣曹子建效其語云昔我初遷朱華未

瞻今我旋止素雪云飛則不逮遠矣且子建欲

其所以止於其建安黃初歟乘其其不其無其安

矯志詩

芝桂雖芳。難以餌烹。尸位素餐。難以成名。磁石
引鐵。於金不連。大朝舉士。愚不聞焉。抱壁塗乞。
無爲貴寶。履仁遘禍。無爲貴道。鴛雛遠害。不羞
卑棲。靈虬避難。不耻污泥。都蔗雖甘。杖之必折。
巧言雖美。用之必滅。濟濟唐朝。萬邦作孚。闕逢
蒙雖巧。必得良弓。聖主雖知。必得英雄。螳螂見
歎。齊士輕戰。越王軼蛙。國以死獻。道遠知驥。世
僞知賢。覆之儻之。順天之矩。澤如凱風。惠如時

雨口爲禁闥。舌爲發機。門機之闔。楛矢不追。桂芝

雖芳。今本作芳樹。雖香。聖藝文作賢。必得藝文作亦待。

元會詩

晉書禮志。漢儀有正會禮。正旦受賀。公侯以下。執贊來庭。二千石以

上。升殿稱歲。復作樂。燕饗魏帝。都鄴。正會文昌殿。用漢儀。

初歲元祚吉日惟良。乃爲嘉會。宴此高堂。衣裳

鮮潔。黼黻玄黃。珍膳襍選。克溢圓方。俯視文軒

仰瞻華梁。願保茲善。千載爲常。歡笑盡娛樂哉

未央皇室榮貴壽考無疆。善一作喜。室一作家。

閨情

有美一人，被服纖羅。妖姿艷麗，芬若春華。紅顏
鞞擘雲髻，嵯峨彈琴。撫節爲我，絃歌清濁。齊均
旣亮，且和取樂。今日遑恤其他。

公讌詩

此在鄴宮，與兄丕讌飲時，武帝在，故稱丕爲公子。

公子敬愛客，終宴不知疲。清夜遊西園，飛蓋相
追隨。明月澄清影，列宿正參差。秋蘭被長坂，朱
華冒綠池。潛魚躍清波，好鳥鳴高枝。神飈接丹
轂，輕輦隨風移。飄颻放志意，千古長若斯。
詩家直說云：子建已有響字，朱華冒綠池，時雨靜飛塵，冒靜二字是矣。

侍太子坐

白日曜青春。時雨靜飛塵。寒冰辟炎景。涼風飄
我身。清醴盈金觴。餼縱橫陳。齊人進奇樂。歌
者出西秦。翩翩我公子。機巧忽若神。景一作氣
奇一作嘉

贈徐幹

劉良云子建與徐幹俱不見
用有怨刺之意故爲此詩

驚風飄白日。忽然歸西山。圓景光未滿。衆生燦
以繁。志士營世業。小人亦不閒。聊且夜行游。游
彼雙闕間。文昌鬱雲興。迎風高中天。春鳩鳴飛
棟。流焱激櫺軒。顧念蓬室士。貧賤誠足憐。薇藿

弗充虛。皮褐猶不全。慷慨有悲心。興文自成篇。
寶弃怨何人。和氏有其愆。彈冠俟知己。知己誰
不然。良田無晚歲。膏澤多豐年。亮懷璠璣美。積
久德逾宣。親交義在敦。申章復何言。逾五臣作愈

贈丁儀

李善云與都亭侯丁翼。今云儀。誤也。魏畧曰丁儀字正禮。太祖辟爲掾。呂向云。魏志儀有文才。子建贈以此詩。有怨刺之意。

初秋涼氣發。庭樹微銷落。凝霜依玉除。清風飄
飛閣。朝雲不歸山。霖雨成川澤。黍稷委疇隴。農
夫安所獲。在貴多忘賤。爲恩誰能博。狐白足禦

冬。焉念無衣客。思慕延陵子。寶劍非所惜。子其
甯爾心。親交義不薄。禦五臣作御

贈王祭

端坐苦愁思。攬衣起西游。樹木發春華。清池激
長流。中有孤鴛鴦。哀鳴求匹儔。我願執此鳥。惜
哉無輕舟。欲歸忘故道。顧望但懷愁。悲風鳴我
側。羲和逝不留。重陰潤萬物。何懼澤不周。誰令
君多念。自使懷百憂。

又贈丁儀王祭

集云答丁敬禮王仲宣善云翼字敬禮儀誤也

從軍度函谷，驅馬過西京。山岑高無極，涇渭揚
濁清。壯哉帝王居，佳麗殊百城。員闕出浮雲，承
露槃泰清。皇佐揚天惠，四海無交兵。權家雖愛
勝，全國爲令名。君子在末位，不能歌德聲。丁生
怨在朝，王子歡自營。歡怨非貞則，中和誠可經。
岑一作峯

贈丁翼

文士傳云翼字敬禮儀之弟也爲黃門侍郎

嘉賓填城闕，豐膳出中厨。吾與二三子，曲宴此
城隅。秦箏發西氣，齊瑟揚東謳。肴來不虛歸，觴

至反無餘。我豈狎異人朋友。與我俱大國多良材。譬海出明珠。君子義休侍。小人德無儲。積善有餘慶。榮枯立可須。滔蕩固大節。時俗多所拘。君子通大道。無願為世儒。

贈白馬王彪

集云於圈城作。魏志云。楚王彪字朱虎。時封白馬王。後徙

封楚。任城王彰字子文。並武帝子。彰建安中為北中郎將。伐烏丸有功。文帝黃初三年為任城王。四年朝京。不即得見。忿怒暴薨。○藝苑卮言云。子建謁帝承明廬。明月照高樓。子桓西北有浮雲。秋風蕭瑟。非鄴中諸子可及。仲宣公幹遠在下風。吾每至謁帝一章。便數十過。不可了。悲婉宏壯。情事理境。無所不有。又

云陳思王贈白馬王彪詩。全法大雅。文王之什。體以故首二章不相承耳。後人不知合而為一者。良可笑也。

序曰黃初四年正月白馬王任城王與余俱朝京師會節氣到洛陽任城王薨至七月與白馬王還國後有司以二王歸蕃道路宜異宿止意每恨之蓋以大別在數日是用自剖與王辭焉憤而成篇

謁帝承明廬逝將歸舊疆清晨發皇邑日夕過

首陽伊洛廣且深。欲濟川無梁。汎舟越洪濤。怨
彼東路長。顧瞻戀城闕。引領情內傷。廣一作曠

其二

大谷何寥廓。山樹鬱蒼蒼。霖雨泥我塗。流潦浩
縱橫。中逵絕無軌。改轍登高岡。修坂造雲日。我
馬玄以黃。大五臣作太

其三

玄黃猶能進。我思鬱以紆。鬱紆將何念。親愛在
離居。本圖相與偕。中更不克俱。鳴臯鳴衡軛。豺

狼當路衢。蒼蠅間白黑。讒巧令親疎。欲還絕無

蹊。攬轡止踟蹰。

何念今本作難。進令今本作反。

其四

踟蹰亦何留。相思無終極。秋風發微涼。寒蟬鳴

我側。原野何蕭條。白日忽西匿。歸鳥赴喬林。翩

翩厲羽翼。孤獸走索群。銜草不遑食。感物傷我

懷。撫心長太息。

太魏志作嘆。

其五

太息將何爲。天命與我違。奈何念同生。一往形

不歸孤魂翔故域、靈柩寄京師、存者忽復過、亡
沒身自衰、人生處一世、去若朝露晞、年在桑榆
間、影響不能追、自顧非金石、咄嗟令心悲、復一作已
作啗一

其六

心悲動我神、弃置莫復陳、丈夫志四海、萬里猶
比隣、恩愛苟不虧、在遠分日親、何必同衾幃、然
後展慙懃、憂思成疾疹、無乃兒女仁、倉卒骨肉
情、能不懷苦辛、

其七

苦辛何慮思，天命信可疑。虛無求列仙，松子久
吾欺。戀故在斯須，百年誰能持。離別永無會，執
手將何時。王其愛玉體，俱享黃髮期。收淚即長
路，援筆從此辭。路志作塗

送應氏詩二首

劉良云：送璩、瑒兄弟時，董卓遷獻帝于西京，洛陽被

燒，故多言
荒蕪之事

步登北邙阪，遙望洛陽山。洛陽何寂寞，宮室盡
燒焚。垣牆皆頓擗，荆棘上參天。不見舊耆老，但

覩新少年。側足無行徑。荒疇不復田。游子久不
歸。不識陌與阡。中野何蕭條。千里無人烟。念我
平常居。氣結不能言。平常居一作平生親

其二

清時難屢得。嘉會不可常。天地無終極。人命若
朝霜。願得展。嬾。婉。我。友。之。朔。方。親。昵。並。集。送。置
酒。此。河。陽。中。饋。豈。獨。薄。賓。飲。不。盡。觴。愛。至。望。苦
深。豈。不。愧。中。腸。山。川。阻。且。遠。別。促。會。日。長。願。爲
比。翼。鳥。施。翮。起。高。翔。昵五臣作瞻

三良詩

左傳云秦伯任好卒以子車氏三子奄息仲行鍼虎為殉皆秦之良

也詩人作黃鳥以哀之劉良云植被文帝責黜意者是悔不從武帝而作是詩

功名不可為。忠義我所安。秦穆先下世。三臣皆自殘。生時等榮樂。既沒同憂患。誰言捐軀易。殺身誠獨難。攬涕登君墓。臨穴仰天歎。長夜何冥冥。一往不復還。黃鳥為悲鳴。哀哉傷肺肝。

遊仙詩

人生不滿百。戚戚少歡娛。意欲奮六翮。排霧凌紫虛。蟬蛻同松喬。翻跡登鼎湖。翱翔九天上。騁

轡遠行遊東觀扶桑曜西臨弱水流北極玄天

渚南翔陟丹上

戚戚一作歲歲
玄天一作登玄

襍詩六首

李善云此六篇並託喻傷政急朋友道絕賢人爲人竊勢別京

其一首 已後在野城思鄉而作

高臺多悲風朝日照北林之子在萬里江湖迴

且深方舟安可極離思故難任孤鴈飛南游過

庭長哀吟翹思慕遠人願欲托遺音形影忽不

見翩翩傷我心

其二

轉蓬離本根，飄飄隨長風。何意迴飈舉，吹我入
雲中。高高上無極，天路安可窮。類此游客子，捐
軀遠從戎。毛褐不掩形，薇藿常不充。去去莫復
道，沈憂令人老。

游客一作流宕

其三

西北有織婦，綺縞何繽紛。明晨秉機杼，日昃不
成文。太息終長夜，悲嘯入青雲。妾身守空閨，良
人行從軍。自期三年歸，今已歷九春。飛鳥繞樹
翔，噉噉鳴索群。願爲南流景，馳光見我君。

飛玉臺作

孤

人亦其四自賦三平諷今日聖代春深長綠樹

南國有佳人容華若桃李朝游江北岸夕宿瀟

湘沚時俗薄朱顏誰為發皓齒俛仰歲將暮榮

耀難久持

俛一作俯夕宿瀟湘沚善作日夕宿湘沚

其五

僕夫早嚴駕吾將遠行遊遠行欲何之吳國為
我仇將騁萬里途東路安足由江介多悲風淮
泗馳急流願欲一輕濟惜哉無方舟閒居非吾

志甘心赴國憂

遠行五臣作行遠都立敬詩話云曹子建襍詩閒居非吾志

甘心赴國憂又云國讐諒不塞甘心思喪元老瞞而有是兒甯不助其奸雄

其六

飛觀百餘尺臨牖御檣軒遠望周千里朝日見

平原烈士多悲心小人媮自閒國讐亮不塞甘

心思喪元拊劔西南望思欲赴太山弦急悲聲

發聆我慷慨言

御五臣作仰

閨情

一作襍詩

攬衣出中閨逍遙步雨楹閒房何寂寞綠草被

堦庭空室自生風。百鳥翩南征。春思安可忘。憂
戚與我并。佳人在遠道。妾身單且笑。歡會難再
遇。芝蘭不重榮。人皆棄舊愛。君豈若平生。寄松
爲女蘿。依水如浮萍。齋身奉衿帶。朝夕不墮傾。
儻終顧盼恩。永副我中情。室一作穴。儻終顧盼
恩一作儻能終顧盼。

七哀詩

王臺作襍詩。樂府作怨歌行本辭。

明月照高樓。流光正徘徊。上有愁思婦。悲歎有
餘哀。借問歎者誰。言是蕩子妻。君行踰十年。孤
妾常獨棲。君若清路塵。妾若濁水泥。浮沈各異

勢會合何時諧。願為西南風。長逝入君懷。君懷

良不開。賤妾當何依。

韻語陽秋云七哀詩起曹子建。其次則王仲宣張孟

陽釋詩者謂病而哀。義而哀。感而哀。悲而哀。耳目聞見而哀。口歎而哀。鼻酸而哀。謂一事而七者具也。子建之七哀。在於獨棲之思。婦仲宣之七哀。在於弃子之婦人。張孟陽之七哀。在於已毀之園。寢。唐陶雍亦有七哀詩。所謂君若無定雲。妾作不動山。雲行出山易。山逐雲去難。是皆以一哀而七者具也。

情詩

玉臺作 襍詩

微陰翳陽景。清風飄我衣。遊魚潛綠水。翔鳥薄天飛。眇眇客行士。遙役不得歸。始出嚴霜結。今

來白露晞遊子歎黍離處者歌式微慷慨對嘉
賓悽愴內傷悲

喜雨詩

天覆何彌廣苞育此群生弃之必憔悴惠之則
滋榮慶雲從北來鬱述西南征時雨中夜降長
雷周我庭嘉種盈膏壤登秋畢有成

七步詩

本集不載世說新語云文帝嘗令東阿王七步中作詩不成者行大

法應聲便為詩七步帝有慚色

煮豆持作羹漉豉以為汁其向釜下然豆在釜

中泣。本是同根生。相煎何太急。

其向一作其在
釜下一作釜中

煮豆燃豆其豆在釜中泣。本是同根生相煎

何太急

漫叟詩話云曹子建七步詩世傳煮
豆燃豆其豆在釜中泣一本云其向

釜下燃豆在釜中泣其工
拙淺深必有以辨之者

失題

見藝文
鶴部

雙鶴俱遨遊，相失東海傍。雄飛竄北朔，雌驚赴
南湘。棄我交頸歡，離別各異方。不惜萬里道，但
恐天網張。

離友詩二首

并序

鄉人有夏侯威者，少有成人之風。余尚其為人，與之昵好。王師振旅，送余於魏邦，心有眷然，為之隕涕。乃作離友之詩，其辭曰：

王旅遊兮背故鄉，彼君子兮篤人綱。騰余行兮歸朔方，馳原隰兮尋舊疆。車載奔兮馬繁驤，涉浮濟兮泛輕航。迄魏都兮息蘭房，展宴好兮惟

樂康

車一作我車

其二

涼風肅兮白露滋，木感氣兮柔葉辭。臨淶水兮

登重基折秋華兮采靈芝尋永歸兮贈所思感

離隔分會無期伊鬱悒兮情不怡本集止載前一首今考藝

文附入初學記載二句云日匿景今天
微陰經迴路兮造北林當別有一首也

妬詩

嗟爾同衾曾不是志宵彼治容安此妬忌

髑髏詩

牢落冥冥與道相駢隱然長寢其樂無踰

豔歌

出自薊北門遙望胡池桑枝枝自相值葉葉自

相當

樂府

墨出青松烟筆出狡兔翰古人感鳥跡文字有
改判

芙蓉池

逍遙芙蓉池，翩翩戲輕舟。南楊棲雙鵠，北柳有

鳴鳩

言志

慶雲未時興，雲龍潛作魚。神鸞失其儔，還從燕

雀居

襍詩

悠悠遠行客、去家千餘里、出亦無所之、入亦無所止、浮雲翳日光、悲風動地起、

補遺

正會詩

初歲元祚吉日惟良乃爲嘉會讌此高堂尊卑
列叙典而有章衣裳鮮潔黼黻玄黃清醕盈爵
中坐騰光珍膳雜遶克溢圓方笙磬旣設琴瑟
俱張悲歌厲響咀嚼清商俯視文軒仰瞻華梁
願保茲善千載爲嘗歡笑盡娛樂哉未央室家
榮貴壽若東皇

本集前載並
從藝文未全

樂府歌

膠漆至堅。浸之則離。皎皎素絲。隨染色移。君不
我棄。讒人所爲。

古詞

還行秋殿。入侍君王。椒房丹帷。楚組連綱。

樂府

市肉取肥。酤酒取醕。交觴接盃。以致慇懃。

苦熱行

行遊到日南。經歷交趾鄉。苦熱但暴露。越夷水中藏。

結客篇

結客少年場、報怨洛北荒。

樂府歌詞

所賣千金劍、通犀間碧璵、翡翠飾鷄壁、標首明

月珠。

陌上桑

望雲際、有真人、安得輕舉繼清塵、執電鞭、馳飛

麟

雜詩

美玉生磐石，寶劔出龍淵。帝王臨朝服，秉此威
百蠻。

遺句

如彼翰鳥，或飛戾天。善哉復為時所拘，羈繼作

微臣。天地長者賜顏色，泰山可動移。豔歌巢許

蔑四海商賈爭一錢。樂府齊謳楚舞紛紛歌聲

上徹青雲。歷九秋夏節純和天清涼，百旱滋

植舒蘭芳。豔歌日匿景今天微陰，經迴路兮造

北林。離友膏沐誰為容，明鏡闇不治。七哀人遠

精神近寤寐。夢容光。離別詩
一顧千金重。何必珠玉賤。

王在... 勅出... 帝... 臨... 朕... 此...

... 勅... 帝... 臨... 朕... 此...



... 勅... 帝... 臨... 朕... 此...

... 勅... 帝... 臨... 朕... 此...

... 勅... 帝... 臨... 朕... 此...

本傳

陳思王植字子建年十歲餘誦讀詩論及辭賦
數十萬言善屬文太祖嘗視其文謂植曰汝倩
人邪植跪曰言出爲論下筆成章顧當面試柰
何倩人時鄴銅爵臺新成太祖悉將諸子登臺
使各爲賦植援筆立成可觀太祖甚異之性簡
易不治威儀輿馬服飾不尚華麗每進見難問
應聲而對特見寵愛建安十六年封平原侯十
九年徙封臨菑侯太祖征孫權使植留守鄴戒

之曰。吾昔爲頓丘。今年二十三。思此時所行無
悔于今。今汝年亦二十三矣。可不勉與。植旣以
才見異。而丁儀。丁廙。楊脩等爲之羽翼。太祖狐
疑。幾爲太子者數矣。而植任性而行。不自雕勵。
飲酒不節。文帝御之以術。矯情自飾。宮人左右
竝爲之說。故遂定爲嗣。二十二年。增置邑五千
并前萬戶。植嘗乘車行馳道中。開司馬門出。太
祖大怒。公車令坐死。由是重諸侯科禁。而植寵
日衰。太祖旣慮終始之變。以楊修頗有才策。而

又袁氏之甥也。於是以前罪誅，修植益內不自安。二十四年，曹仁爲關羽所圍，太祖以植爲南中郎將，行征虜將軍，欲遣救仁。呼有所勅，戒植醉不能受命。於是悔而罷之。文帝卽王位，誅丁儀、丁廙，并其男口。植與諸侯竝就國。黃初二年，監國謁者灌均希指奏植醉酒悖慢，劫脅使者。有司請治罪。帝以太后故，貶爵安鄉侯。其年改封鄆城侯。三年，立爲鄆城王，邑二千五百戶。四年，徙封雍丘王。其年朝京都，上表獻詩二篇。帝嘉

其辭義優詔答勉之六年帝東征還過雍丘幸
植宮增戶五百太和元年徙封浚儀二年復還
雍丘植常自憤怨抱利器而無所施上疏求自
試三年徙封東阿五年復上疏求存問親戚因
致其意詔報如王所訴植復上疏陳審舉之義
帝輒優文答報其無冬詔諸王朝六年正月其
二月以陳四縣封植爲陳王邑三千五百戶植
每欲求別見獨談論及時政幸冀試用終不能
得旣還悵然絕望時法制待藩國旣自峻迫寮

屬皆賈豎下才兵人給其殘老大數不過二百人又植以前過事事復減半十一年中而三徙都常汲汲無歡遂發疾薨時年四十一遺令薄塋以小子志保家之主也欲立之初植登魚山臨東阿喟然有終焉之心遂營爲墓子志嗣徙封濟北王景初中詔曰陳思王昔雖有過失旣克已慎行以補前闕且自少至終篇籍不離於手誠難能也其收黃初中諸奏植罪狀公卿已下議尚書中書秘書三府大鴻臚者皆削除之

撰錄植前後所著賦頌詩銘雜論凡百餘篇副
藏內外志累增邑并前九百九十戶

陳思王集卷二終
人餘其效未大也